


PL
2732
U237A17
1775
v.2



吳詩集覽卷一上

黎城靳榮藩介人輯

五言古詩一之上

按陳其年篋衍集別錄五古長篇七首蓋仿高廷禮品彙之例也於

梅村集收送何第五哭志衍遊石公山盤龍石
梁寂光歸雲諸勝三首良以其雄深雅健如干
巖競秀萬壑爭流不爲前人所限耳然三首之
外如吳門遇劉雪舫臨江叅軍遇南廂園叟磬
清湖四長篇筆力正不少減他如縹緲峯揖山
樓直溪吏避亂之一四五六西田之一三四皆
五言之最工者梅村以七古五七律擅場然
七古佳篇可參長慶一席七律鏤金錯采儘能
自樹一幟而前賢佳境已多若再歷年所則大
而化之矣五古長篇洋洋纚纚直抒所見能于
李杜韓蘇外自成
壁壘足稱大家



贈蒼雪

梅村文先生壽序蒼公者滇人住吳之中
峯以佛教重東南者也蘇州府志讀徹字

蒼雪滇南呈

貢趙氏子

我聞昆明水天花散無數躡足凌高峯了了見佛土法

師滇海來植杖渡湘浦藤鞋負貝葉葉葉青蓮吐

前四句從

滇南引起蒼雪後四句蒼雪自滇而來也○金壇王錫
琯字又典金剛經淺解佛滅度時阿難啟請一切經首
當置何語佛命置如是我聞四字爲句綱目質寔滇池
在雲南府城南一名昆明池池中產衣鉢蓮花盤千葉
藥分三色維摩詰所說經維摩詰室有一天女聞所
說法便現其身卽以天花散諸菩薩大弟子上金剛經
如是滅度無量無數無邊衆生史記過秦論躡足行
伍之間子建洛神賦於是背下凌高謝靈運詩迢遞瞰
高峯妙德大經了了見佛性猶如妙德等法華經其
佛以恒河沙等三千大千爲一佛土晉書王坦之傳

與沙門竺法師甚厚明史地理志滇池其西南爲海口

〔崔亭伯杖頌〕爰植根於湘浦〔戴幼公詩〕一兩棕欒

八尺藤宋史天竺國傳僧道圓自西域還得貝葉梵經四十夾〔古詩〕葉葉相交通〔法華經〕有人聞是品能隨

喜讚善者是人口中常出青蓮香法航下匡廬講室臨元圃忽聞金焦

鐘過江救諸苦中峯古道場浮圖出平楚通泉繞堦除

疏巖置廊廡同學有汰公兩山聞法鼓天親偕無着一

朝亡其伍獨遊東海上從者如墻堵迦文開十誦廣舌

演四部設難何衡陽答疑劉少府人我將無同是非空

諸所

此歷敘蒼雪駐錫之地與說法之盛也○〔稽月錄〕惟清禪師見延安耆宿法安安曰汝苦海法航也

〔九江志〕匡俗先生姓匡名俗商周之際隱於廬山故號匡廬

〔大清一統志〕元圃在上元縣臺城北

〔明史〕

地理志丹徒縣江中西北有金山東北有焦山世說

愍度道人始欲過江崔曙詩道場救諸苦蘇州府志

支硎山在府西二十五里舊有南峯寺及中峯北峯二

院又中峯寺在支硎山寒泉上唐六典煬帝改佛寺爲

道場道觀爲元壇綱目集覽浮圖塔也謝元暉詩平

楚正蒼然張希孟詩石潤竹通泉北齊書祖鴻勳傳

泉流繞階陸士衡詩春苔暗階除唐書房琯傳疏巖

剔藪爲天子遊觀史記魏其侯傳所賜金陳之廊廡下

漢書注廊堂下周屋也廡門屋也後漢書鄭興傳同

學者皆師之明詩綜明河字汰如南直隸通州人汪鈍

庵曉庵塔銘明崇禎中徹公次補潤公講席來在中峯

其同門友汰如河公任華山兩山對峙鐘唄之聲相應

故其道場最盛李詩兩山振法鼓西域記無着是

初地菩薩天親之兄無名氏汰如塔銘汰復以崇禎

十三年十一月四日順世而去李詩獨遊滄江上一

統志沂州府郯城縣漢置東海郡屬徐州又徐州府表

邳州宿遷縣漢屬東海郡按此則蒼雪蓋遊淮徐間也

禮孔子射於矍相之圃蓋觀者如堵墻續博物志

佛者本號釋迦文佛隋書經籍志鳩摩羅什才德最優而什又譯十誦律華嚴經菩薩以廣長舌於一音中現無量音法華經世尊見大神力出廣長舌南史梁武帝紀幸同泰寺設四部無遮大會世說有北來道人與林公相遇于瓦官寺講小品屢設疑難按何衡陽劉少府疑與蒼雪禪說者有何劉兩姓而舉衡陽少府以擬之耳說附後金剛經無復我相人相世說阮宣子有令聞太尉王夷甫見而問曰老莊與聖教同異對曰將無同莊子故有儒墨之是非榆社張廷綽如哉曰傳燈錄龐蘊衡陽人刺史于頔問疾謂曰但願空諸所有慎勿實卽今四海內道路多豺虎師於高座上瓣香諸所無

祝君父欲使菩提樹徧蔭諸國土

此六句於禪誦之中不忘忠孝身分最高

○杜詩蕭條四海內人少豺虎多晉書鳩摩羅什傳忽下高座梁書伏曼容傳輒升高座爲講說陳無已詩向來一瓣香西陽雜俎菩提樹出摩迦陀國蓋釋迦如來成道時樹
泝水與蒼山佛教

之齊魯一屐游中原五嶽問諸祖稽首香花嚴妙義足

今古

此六句跟諸國土說下收到滇南與起處相應○楊升菴雲南山川志西洱海在大理府城東榆葉

河也元史地理志點蒼山在大理城西周四百里一統志灌頂禪師嘗於崇聖寺講經有一老翁侍立聽畢乘

風雲而去曰洱水龍也又香巖在太和縣西點蒼山中

峯之半香從空來世傳釋迦文佛遺迹史記儒林傳

夫齊魯之間於文學其天性也洞冥記東方朔曰其

人以一隻屐與臣按詩意似暗用傳燈錄二十八祖達

摩手攜隻履翩翩而逝也詩瞻彼中原玉匱經黃帝

破山通道遍歷五嶽釋氏稽古錄釋迦文佛宗派祖師

授受圖有三十三祖北史盧潛傳大設僧會以香花

緣道南史何子季傳大莊嚴論世中未有徐孝穆丹

陽上庸路理妙義幾神

張孟陽詩悽愴哀今古

按此詩兩押土字然蘇子卿詩燕婉及良時莫忘歡樂時誰爲行路人欲以贈遠人諸葛武侯梁父吟田

疆古冶子國相齊晏子皆兩押也至廬江小吏一首
復押之韻更多而此婦無禮節舉動自專由卽云
吾意久懷忿汝豈得自由幾如垓下之歌連用可若
何奈若何爲韻矣栢梁臺聯句詩兩押哉字時字材
字三押之字治字然猶曰兩漢始爲古詩而廬江詩
爲第一長篇栢梁則人各一句也古詩十九首蟋蟀
傷局促絃急知枉促重押促字文選分爲二首則不
重矣曹孟德短歌行悠悠我心天下歸心却東西門
行乃在無人鄉何時返故鄉文帝雜詩適與飄風會
行行至吳會甄后塘上行出亦復苦愁入亦復苦愁
曹子建美女篇珊瑚問木難求賢良獨難陳孔璋飲
馬長城窟行時時念我故夫子何爲稽留他家子陸
士衡猛虎行熱不息惡木陰時往歲載陰阮嗣宗詠
懷磬折忘所歸中路將安歸謝康樂初去郡詩豈足
稱達生薄遊似邴生木蘭詩問女何所思問女何所
憶女亦無所思女亦無所憶任彥升哭范僕射詩夫
子值狂生千齡萬恨生猶我故人情生死一交情欲
以遣離情雖其體製不同然皆重押也唐詩之複韻

者李月下獨酌酒星不在天愛酒不愧天杜飲中八仙歌眼花落井水底眠長安市上酒家眠汝陽三斗始朝天舉觴白眼望青天皎如玉樹臨風前蘇晉長齋繡佛前脫帽露頂王公前杜鵑云西川有杜鵑東川無杜鵑涪萬無杜鵑雲安有杜鵑猶解事杜鵑退之赴江陵途中詩乃反遷炎州行行詣連州皆重押也然猶曰八仙歌人各爲段可分作八首杜鵑詩起四句或疑爲題下注赴江陵詩炎州字當作炎洲則不必其爲複韻矣子美彭衙行押二餐字退之此日足可惜一首押二光字二鳴字二更字二狂字更有絕句而複韻者王摩詰朝耕上平田暮畊上平田子美前年渝州殺刺史今年開州殺刺史是也有排律而複韻者摩詰奉和送朝集使歸郡詩褰帷向九州垂象滿中州子美夔府咏懷一百韻不敢墜周旋澤國繞迴旋皆是也竊意絕句重押未免破體而律詩排比聲韻更宜謹嚴若古體自當別論株林之詩四句中兩林字兩南字已肇其源何嘗非千秋絕調乎按茗溪漁隱叢話引孔毅夫雜記及林學新編載

詩家重韻甚悉予幼時見顧泰瞻岱詩集郎如清銅
鏡妾似芙蓉花持花將鏡照知鏡喜新花則更可異
耳按華古花字近體中亦不宜複用而唐以來複用
者多矣設難二句久不得其解按南史何承天傳
出爲衡陽內史故顏延年有重釋何衡陽等書然承
天傳止云帝有疑議必先訪之不載其設難也杜
有奉先劉少府新畫山水障歌注奉先尉劉單宅作
梅村此詩未知是引此二人否空諸所歆後語也
使菩提樹遍蔭諸國土長歌之悲甚於痛哭矣集
中以贈蒼雪起以病中有感止寄托空門悲悼身世
全部皆當作如是觀也梅村遺命歛以僧裝題以圓
石讀此集之起訖
可以想見其爲人

吳江顧我魯瞻泰曰古人樂府中有連句複韻者皆
故意疊押以足其神或隔數句複韻者因拉雜成篇
不妨一韻互見故沈文慤師古詩源一選凡屬樂府
中有複韻俱不註出至於古詩皆註明複韻以古詩

與樂府有別梅村此詩兩押土字竟註明複韻可也

塗松晚發

劉心蓼太倉州志塗松市去州東北三十五里塗松塗上之松也世說石崇與

王愷出遊

極晚發

孤月傍一村寒潮自來去人語出短篷纜沒溪橋樹

四句

是塗松晚景人語短篷逗起發字意○梁簡文帝詩夕

波照孤月韓致光詩一村桑柘一村烟王詩月明寒

潮廣崔魯詩明月自來還自去薩天錫詩烟雨短篷

水口人家亂石山前王篇纜維舟索也徐鼎臣詩溪

橋樹映行人度

冒霜發輕舫披衣聽雞曙斷響若鳴灘蘆洲疑

驟雨

四句是初發之景○子夜冬歌夜半冒霜來李詩送輕舫陶詩相思則披衣江總持詩忽聽晨雞

曙斷字字典不載陸魯望魚具詩序列竹於海澨曰

滬吳江縣志引此曰今謂之斷按輟畊錄引魯望蟹志

云稻之登也率執一穗以朝其魁然後任其所之蚤夜
曹沸指江而奔漁者緯蕭承其流而障之名曰蟹斷則
斷應作斷李詩澁灘鳴嘈嘈鮑詩今日入蘆洲漁因

老子驟雨不終日溫飛卿詩蘆葉有聲疑霧雨
入浦喧農或呼門懼居然見燈火市聲雜翁嫗此四句

後之所見○王詩漁歌入浦深南史昭明太子傳吏

一呼門動爲民蠹漢書王莽傳嘗御燈火顧瞻泰

日范致能詩市聲蕭條衙鼓靜古樂府捉水改村店移

搦歌天生男女共一處願得兩個成翁嫗
一帆今始遇生涯問菰蒲世事隔沮洳終當謝親朋刺

舟從此住此六句感懷今昔有卜居之意○羅昭諫詩

莊子吾生也有涯謝靈運詩菰蒲冒清淺杜詩世事

兩茫茫詩彼汾沮洳晉書陶潛傳其親朋好事或載

酒肴而往漢書陳平傳乃解衣羸

而佐刺船綦母孝通詩靈境依此住

題是晚發而云披衣聽雞曙蓋夜發耳燈火市聲已屬殘夜水改店移則曙後之所見矣

毛子晉齋中讀吳匏菴手抄宋謝翱西臺慟哭記

明詩綜毛晉初名鳳苞字子晉常熟人明史吳寬傳字原博長洲人藝文志吳寬匏菴集七十八卷宋景濂謝翱傳翱字臯羽福之長溪人後徙建之浦城會丞相文天祥開府延平署諮事叅軍已復別去及宋亡天祥被執以死翱悲不能禁嚴有子陵臺孤絕千丈設天祥王荒亭酌畢號而慟者三乃以竹如意擊石作楚歌招之曰魂朝往兮何極暮來歸兮關水黑化為朱鳥兮有味焉食歌闌竹石俱碎謝臯羽西臺慟哭記唐宰相魯公開府南服余以布衣從戎明年別公章水湄後明年云云又後三年云云又後四年而哭之于越臺又後五年及今而哭于子陵之臺

扁舟訪奇書夜月南湖宿主人開東軒磊落三萬軸別

度加收藏前賢矜手錄北堂學士鈔南宋遺民牘言過

富春渚登望文山哭十句總括全題下乃層層演出如

傳乃乘扁舟泛於五湖陸務觀詩歸當讀奇書李詩

又聞子規啼夜月按子晉有南湖草堂而蘇州常熟兩

志俱不載陶詩靜寄東軒文心雕龍磊落如琅玕

之圃韓詩鄴侯家多書插架三萬軸類篇竝本作廢

亦省作皮載也禮記仲冬之月農有不收藏積聚者取

之不詰晉書周嵩傳方之前賢猶有所後梁書王筠

傳未嘗倩人假手并躬自抄錄中興書目虞世南集

羣書中事可為文用者號北堂書鈔按明史寬本傳進

少詹事兼侍讀學士按程篁墩有宋遺民錄并序梁

確齋有宋遺民廣錄序任彥升朝發富春渚明史

地理志桐廬縣西有富春山一名嚴陵山漢書陳湯

傳每過城邑山川常登望宋資治通鑑天祥所居對文

筆峯自號文山

子陵留高臺西面滄江綠婦翁為神仙天子共

游學攜家就赤城高舉凌黃鵠尙笑君房癡寧甘子雲

辱七里溪光清千仞松風謾

十句寔寫西臺是慟哭之地也○後漢書逸民傳嚴

光字子陵一名遵會稽餘姚人也

天清一統志漢

嚴子陵垂釣處有東西二臺各高數百丈下瞰大江其

西臺即宋謝翱哭文天祥處

王詩桃源西面絕風塵

任彦升詩滄江路窮此

婦翁出魏志魏武語按朱錫

宅江湖載酒集詞况有個偕隱市門仙女定娟妙自注

子陵梅福女婿則神仙句謂福也

高士傳光少有高

名同光武遊學字彙學叶胡沃切音紇楊子雲元后誅

起常盈倉五十萬斛為諸生儲以勸好學一統志赤

城在天台縣北六里即天台之南門洞天福地記第六

赤城洞

楚辭寧超然高舉以保貞乎又寧與黃鵠比

翼乎

高士傳司徒侯霸使西曹屬侯子道奉書光不

起問子道曰君房素癡今為三公寧小差否

漢書揚

雄傳字子雲校書天祿閣上使者來欲收雄雄恐不能
自免乃從閣上自投下幾死明史地理志桐江亦曰睦江經富春山之釣臺下曰七里瀨子瞻有溪光亭詩賈生弔屈原賦鳳凰翔於千仞兮世說世目李元禮謾謾如勁
松下風 廬陵赴急難幕府從羈僕運去須武侯君存

卽文叔臣心誓弗諉漢祚憂難復昆陽大雨風虎豹如
蜎縮詭譎滹沱冰倉卒蕪亭粥所以恢黃圖無乃資赤

伏前六句寫信國起兵是所哭之人也後六句因子陵而及光武又以光武之能復漢祚反襯信國之莫救宋社也
策分立廬陵郡按信國志豫章郡廬陵縣興平元年孫策分立廬陵郡按信國志於吉水起兵於贛皆廬陵地非專指今之廬陵縣也綱目續編勤王詔至贛天祥奉之涕泣發郡中豪傑并結溪峒山蠻有衆萬人遂入衛漢書司馬遷傳赴公家之難詩兄弟急難史記索隱古者出征以幕帟爲府署故曰幕府左傳僖二十四年

行者爲羈縻之僕

羅昭諫武侯祠詩運去英雄不自

由忠武志諸葛亮補傳

詔策曰今贈君丞相武鄉侯印

綬謚君忠武侯

後漢書光武紀諱秀字文叔又軍中

不見光武或云已沒

諸將不知所爲吳漢曰卿曹努力

興也

杜詩兩朝開濟老臣心詩永矢弗諼

杜詩運

移漢祚終難復

胡身之通鑑注昆陽故城在今許州

葉縣北五里

光武紀會大雷風屋瓦皆飛雨下如注滄

川盛溢虎豹皆股慄

古樂府馬毛縮如蝟左太冲蜀

都賦異物詭譎

光武紀注山海經云泰戲之山滹沱之

水出焉東流經定州

深澤縣東南卽光武所度處後漢

書王霸傳至滹沱

河侯吏還白河水流漸無船不可濟

光武令霸往視之

霸恐驚衆欲且前阻水還卽詭曰水

堅可度比至河

河亦合令霸護度未畢數騎而水解

又馮異傳詔曰

倉卒蕪蕪亭豆粥滹沱河麥飯厚意

久不報綱目

質寔蕪蕪亭在真定府深州城外滹沱河

之濱今隸饒陽縣界

唐藝文志三輔黃圖一卷張縉

注黃圖猶今之黃冊

光武紀彊華自關中奉赤伏符

曰劉秀發兵捕不道四海雲集龍闕野四七之際火爲主卽今錢塘潮莫救厓山麓

空坑戰士盡柴市孤臣戮一死之靡他百身其奚贖冀

生天天年翟公湛家族會稽處士星求死得亦足安能

期故人共卧容加腹巢許而蕭曹遭遇全高躅

此寫信國就義

是所哭之事也錢塘厓山空坑柴市映襯西臺從處士

星引到客星則慟哭字與西臺字互相映合矣

統志錢塘江卽浙江亦名曲江枚乘七發云觀濤於廣

陵之曲江是也宋史地理志建炎三年閏八月高宗自

建康如臨安以州治爲行宮又臨安府縣九錢塘一

綱目續編厓山在新會縣南八十里鉅海中與奇石山

相對立如兩扇潮之所出入也宋史本紀二王者度宗

庶子也德祐二年陳宜中等立昱於福州以爲宋主昀

於硎州至元十五年又立昀爲主昀徙居厓山十六年

張宏範兵至厓山陸秀夫乃負昀投海中又文天祥

傳江西宣慰使季恒攻天祥於興國天祥不意恒兵猝至乃引兵即鄒鳳于永豐鳳兵先潰恒窮追至空坑軍士皆潰

密使信國公文天祥于都城之柴市

綱目續編

至元十九年十二月殺宋少保樞

詩之死矢靡他

又如可贖兮人百其身

漢書龔勝傳有父老來弔

既而曰龔生竟天天年非吾徒也

劣論

汝南翟子威爲東郡太守始舉義兵以討王莽說

文湛沒也

鮑詩

家族滿山東詳見讀史雜詩其四

晉書謝敷傳

敷會稽人初月犯少微占者以隱士當之

譙國戴逵有美才時人憂之俄而敷死會稽人士以嘲

吳人云吳中高士便是求死不得按宋史天祥傳願賜

之一死足矣此詩借用敷傳語也

堂記

先生光武之故人也

後漢書逸民傳因共偃卧

光以足加帝腹上

鄴侯外傳

收京師後但枕天子膝

睡一覺使有司奏客星犯帝座一動天文足矣按巢許

而蕭曹惟鄴侯足以當之客星犯帝座鄴侯暗引子陵

事而此合用之耳

巢父許由蕭何曹參並別見

孟堅東都賦蓋乃遭遇乎斯時晉書隱逸傳贊永垂高

蠋
文山竟以殉趙社終爲屋海上悲田橫國中痛王蠋

門人蒿里歌故吏平陵曲彼存君臣義此製朋友服相

國誠知人舉事何顛蹙丈夫失時命無以辭碌碌

十二句實

寫慟哭相國四句是慟哭時之所欲言若呼信國而告之者又若呼天下萬世之人而告以信國之事者如此看方與上兩段不復○莊子士則以身殉名宋史太祖紀姓趙氏蔡伯喈獨斷古者取亡國之社以分諸侯屋之掩其上使不通天柴其下使不通地明與天地絕也

史記田儋傳

田橫懼誅而與其徒屬五百人入海

又田單傳

燕之初入齊聞畫邑人王蠋賢使人謂蠋曰

吾以子爲將封子萬家蠋固謝絕脰而死

古今注

露蒿里本出田橫門人橫自殺門人傷之爲作悲歌二

章

漢書尹翁歸傳悉召故吏五六十人中華古今注

悲歌平陵東翟義門人之所作也王莽殺義門人作此

歌以怨也

孔叢子昔者虢叔閔天太顛散宜生南宮

适五臣同寮比德以贊文武及號叔死四人者爲之服
朋友之服後漢書獨行傳范式與張劭爲友劭字元伯
式忽夢見元伯呼曰吾以某日死當以某時葬子未我
忘豈能相及式恍然覺悟便服朋友之服相國字出
史記周本紀晉書王祥傳相國誠爲尊重書在知人
漢書司馬遷傳今舉事一不當莊子時命大謬也
史記平原君傳公等碌碌按綱目續編字
羅怒曰爾立二王竟成何功卽碌碌之意看君書一編

俾我愁千斛禹績荒烟霞越臺走麋鹿不圖疊山傳再

向巖灘續配食從方干豐碑繼梅福

此是讀字正而點入子晉齋中禹績

越臺則又讀者之慟哭矣史記留侯世家老父出一

編書

子山愁賦誰知一寸心乃有萬斛愁詩維禹

之績梁書張充傳獨浪烟霞史記淮南衡山傳臣聞

子胥諫吳王乃曰臣今見麋鹿游姑蘇之臺也宋史

謝枋得傳字君直信州弋陽人也宋亡至燕京問太后

瀛國公所在慟哭而卒一統志重山在廣信府興安縣

北八十里重巒疊嶂嵒巖峻絕宋謝枋得築室讀書其
下因自號疊山汪環谷綱目考異光本姓莊後避明

帝諱史改作嚴胡子山遊釣臺記登岸謁子陵遺像

其兩廡則唐之方元英于宋之謝臯羽翺也唐詩紀事

方干新定人字雄飛禮記公室視豐碑注豐碑鑿大

木爲之漢書梅福傳字子真九江壽春人也元始中王

莽顓政福一朝弃妻子主人更命酒哀吟同擊筑四坐

去九江至今傳以爲仙

皆涕零霜風激羣木嗟乎誠義士已矣不忍讀此是讀

又從子晉說起讀字點睛如時文家反點之法皇甫

茂政詩命酒閒令酌三國志管輅傳倚樹哀吟精神

不樂史記刺客傳高漸離擊筑荆卿和而歌杜詩四

座涕縱橫詩涕零如雨劉彥和新論霜風慘烈謝靈

運詩羣木旣羅戶漢書蘇武傳李陵見其至誠

喟然嘆曰嗟乎義士禮父沒而不能讀父之書

顧瞻泰曰慷慨悲歌梅村無窮難言之隱

已盡此數十言中讀者可以悲其志矣

此首迷離迴復幾令讀者不能尋其脈絡承接之所
在然以題按之仍自段落分明扁舟訪奇書四句是
毛子晉齋中也別皮加收藏四句是吳匏菴手抄也
而南宋遺民牘則已點出謝翱記矣言過富春渚是
西臺登望文山哭是慟哭此二句乃通首之眉目子
陵留高臺至千仞松風謾是從言過富春渚演出乃
西臺字之來歷也廬陵赴急難至漢祚憂難復是從
登望文山哭演出乃慟哭字之遠脈也昆陽大雨風
至無乃資赤伏因子陵而及光武是就富春渚而旁
通言之乃西臺字之旁面也卽今錢塘潮至遭遇全
高躅是就文山哭而暢滿言之乃慟哭字之正面也
而昆陽大雨風似與漢祚憂難復有所蟬聯卽今錢
塘潮似與七里溪光清相爲映帶此所謂風行水上
自然成文者也而安能期故人云云則又從慟哭字
牽到西臺字上羅浮風雨縹緲離合此其是矣然此
題畢竟以西臺爲賓慟哭記爲主故自文山竟以殉
以下至無以辭碌碌反覆申言慟哭之事又以西臺
慟哭記爲賓讀西臺慟哭記爲主故自看君書一編

以下至已矣不忍讀反覆申言讀慟哭記之事而嚴
灘云云仍點化西臺不使冷落看君書一編主人更
命酒云云仍回顧匏菴子晉與首段若相照應者篇
法之妙也夫迷離迴復之文屈子離騷天問爲最甚
而愈復愈奇愈曲愈妙此詩之源蓋亦出於楚辭而
家國之感在語言文字之外是全篇止作得一箇讀
字王龔諸家無此作矣幕府從羈僕其說有二宋
資治通鑑厓山之破張宏範等謂天祥曰國亡丞相
忠孝盡矣能改心以事宋者事今將不失爲宰相也
天祥泣然淚下曰國亡不能救死有餘罪况敢逃其
死而貳其心乎宏範義之遣使護送天祥赴燕此以
宏範等爲幕府而以信國之間闕繫繫爲從羈僕者
一也綱目續編元伯顏軍皐亭山太皇太后遣使奉
璽以降元人以文天祥北去天祥至鎮江與其客杜
許等十二人夜亡入漳州變姓名爲清江劉洙東入
海道遇元兵伏環堵中得免從樵者乞得餘糝二
樵者以蕢荷天祥至高郵嵇家庄遂由通州汎海如
溫州以求二王此以信國爲幕府而以從亡諸客爲

從羈僕者二也然玩下文運去須武侯君存卽文叔
當以第二說爲允蓋信國旣至行都開府南劍州經
畧江西置僚屬一時知名者四十餘人而遙請號令
稱幕府文武士者不可悉數此幕府之證然寔自伏
垣伏篠乞糝蕢荷而來豈非羈旅僕隸之事乎猶云
自廬陵以赴急難從羈僕而開幕府錯綜其詞正以
見纏綿紆結之致耳高詠字阮懷過謝臯羽墓詩
許劍曾傳此地遊豐碑遺墓尙荒邱龍髯墮海三宮
淚馬鬣封山萬古愁處士宅邊寒雨夜嚴陵灘
下暮江流當年慟哭聲猶在散作西臺檜柏秋

壽王鑑明五十

鎮洋縣志王日新字鑑明號眉岳
精經學爲名諸生教授弟子有程

法尤留心經濟通達治體每爲長吏咨訪時明
季兆亂日新絕意科舉肆力於天文地理之學
星緯形勝瞭若指掌甲申後韜晦遯跡躬耕於
野吳祭酒贈詩比之伏勝桓榮年五十四卒

伏勝謝生徒開壁藏卷軸桓榮抱詩書拾椳逃巖谷古

來兩經生遭亂耽講讀後皆保耆頤或乃致鼎足

此詩美鑑

明之隱而壽也分四段每段八句第一段以伏桓爲比保耆頤是正襯致鼎足是反對第二段言鑑明通經不媿古人而退就田牧不慕鼎足也第三段就田牧而申言之第四段跟悠悠人說下言下士之愁苦不如鑑明之知足也知命句點睛○漢書儒林傳伏生濟南人秦時焚書伏生壁藏之張晏曰名勝宋史朱子傳或勸其謝遣生徒者笑而不答按史記淮陰侯傳趙開壁擊之此借用南史張澄傳然見卷軸未必多僕後漢書桓榮傳字春卿沛郡龍亢人也抱其經書與弟子逃匿山谷晉書夏統傳每採杞求食又阮籍傳響乎巖谷張道濟詩經生偶聖時史記樂書相與共講習讀之禮六十曰耆指使百年曰期頤按伏生傳年九十餘老不能行榮傳年踰八十漢書彭宣傳三公鼎足承君按榮傳爲太子少傳而百官志太子少傳二千石尚非三公鼎足之位也榮又爲五更爲闕內侯皆非公或因榮傳有天子親自執業每言輒曰太師在是而

遂轉注於漢書百官表三公之太師與

當世數大儒如君號名宿通識曉

世變早計駭愚俗一朝載妻子推車入天目經營志不

遂退廼就田牧

後漢書盧植傳盧尚書海內大儒又朱浮傳辟召州中名宿陶詩即理愧

通識春秋繁露適遭世氣之變

莊子且女亦太早計

後漢書戴良傳多駭流俗白詩不談愚俗醉鄉人按

一朝載妻子反用漢書梅福傳一朝弃妻子語又宋書

劉凝之傳一旦攜妻子隱居衡山之陽洞天福地記

第三十四洞天目山名太微元蓋之天在杭州餘杭縣

大清一統志在臨安縣西北與於潛縣接界詩

經之營之易不得遂後漢

十畝種桑麻一溪蒔花木

書馬援傳欲就邊郡田牧

果茹飴兒孫樵蘇課僮僕以代子陵釣無媿君平卜俯

視悠悠人愁苦對金玉

詩十畝之間兮班孟堅西都賦桑麻鋪棗李詩一溪初入千

花明宋史呂蒙正傳至洛有園亭花木五代史唐家人傳

薪芻果茹杜詩諸峯羅列似兒孫滄州李大成

孔集曰漢書音義樵取薪也蘇取草也易得童僕貞童

亦作僮子陵釣見前高士傳嚴遵字君平蜀人也

隱居不仕嘗賣卜於成都市中列子悠悠下士豈聞

者趨名而已老子金玉滿堂莫之能守

道世事如轉轂五十知天命養生在無欲全家就白雲

避地驅黃犢無以侑君觴知足則不辱老子下士聞道大笑之杜詩

萬事隨轉燭左太冲吳都賦唱樅轉轂莊子得養生

焉論衡老子恬淡無欲養精愛氣詩英英白雲朱

子詩便驅黃犢過深溪金史完顏匡傳顯宗命匡作

睿宗功德歌命章宗歌此詞侑觴老子知足不辱

為此春酒以介眉壽壽詩也天保九如亦壽詩也三

百篇已有濫觴而後人爲之者浸多矣杜集中止假

山一首而王梅溪編東坡集遂有慶賀一卷似東坡

所重不在此吾於此詩亦云壽王鑑明喜其避地

白雲壽龔芝麓約與共尋丹
砂此應耐詩中占身分處

松鼠

爾雅注松柏之鼠不知堂密之有美樅安慶府志松鼠似鼠而尾粗一名鼯鼯盤山志松

鼠有二種小者不過三寸通身豹紋最靈黠名松鼠大者灰色善盜菓蓀園圃以此為患俗名

噪鼠

衝颺飄顏瓦壞墻叢廢棘謾然見松鼯搏樹向人立側

目仍盱眙奉頭似悚惕簷牙偃卧高屋角欹斜疾倒擁

弱枝危迅躡脩柯直已墮復驚趨將藏又旁突去遠且

暫留迴顧再迸逸前逃赴已駛後竄追旋及

首四句點出松鼠下

十二句細寫鼠之形狀體物最工○謝靈運詩何意衝颺激李義山詩一春夢雨常飄瓦○禮如壞墻然易置

于叢棘謾然字疑借用謾謾如勁松下風意爾雅鼯

鼠夷猶搏度官切史記田齊世家搏三國之兵註握

領也韓詩禮鼠拱而立戰國策妻側目而視莊子而

睢睢而盱盱漢書蒯通傳常山王奉頭鼠竄以歸漢

王杜牧之阿房宮賦簷牙高啄後漢書嚴光傳因共

偃卧蘇詩珠煤綴屋角杜詩疏鑿就欹斜潘安仁

閒居賦周文弱枝之棗又蓮花賦脩柯婀娜子瞻

黠鼠賦墮地乃走朱子與爾臨衝詩傳衝衝車也從

旁衝突者也項子遷詩將行且暫留北史敘傳禮

成未嘗迴顧陸魯望詩五賊忽迸逸三國志田疇傳

疇負義逃竄之人耳增韻駛馬行疾也漢書高帝紀高祖乃追及

剽輕固天性儼狡因

衆習兩木夾清漳槎牙斷尋尺攀緣所絕處排空自騰

擲足知萬物機飛走不以力此段言鼠性之黠而舉其

書周亞夫傳楚兵剽輕又谷永傳崇聚僇輕無義小人

史記儒林傳其天性也詩揖我謂我儂兮又彼狡童

兮

南史劉繪傳時張融以言辭辯捷周顒稱為清綺

而繪有風則時人為之語曰三人共宅夾清漳張南周

北劉中央言其處二人間也
蘇詩強為寫查牙一作

槎
李詩猿猱欲度愁攀緣
諸葛孔明黃陵廟記亂

石排空
韓詩石廩騰擲堆祝融
莊子萬物
皆出於機
淮南子或飛或走莫知其情
嗟爾適何

來鳥鼠忽而一本是居嶺巖無端被羈繫兒曹初玩弄

種類漸充斥黠彼憑社徒技窮耻晝匿銜尾共呼鳴異

穴為主客

此段原鼠之所從來而言其種類繁衍也○

唐書元稹傳適從何來遽集于此
禹貢終

南惇物至于鳥鼠
後漢書郡國志隴西郡首陽有鳥鼠

同穴山
招隱士谿谷蘄巖兮水曾波
韓詩果然又

羈繫
後漢書耿弇傳光武笑曰小兒曹乃有大意哉

又竇皇后紀翫弄之物皆絕不作
論衡瑞應之出殆

無種類
左傳襄三十一年寇盜充斥
黠鼠賦異哉鼠

之黠也
宋書恩倖傳論鼠憑社貴晏子春秋讒佞之人

隱在君側猶社鼠不熏荀子鼯鼠五技而窮漢書五

行志鼠盜竊小蟲夜出晝匿按漢書蓋本于左傳襄二

十三年夫鼠晝伏夜動後漢書西羌傳牛馬銜尾吳

志孫堅傳注堅所乘馬馳還營路地呼鳴按異穴從

書之鳥鼠同穴詩之異室同穴

化出古諺越阡度陌互為主客吾廬枕荒江垂死倚病

柏雷雨撥其根慘裂蒼皮濕空腹鴟鴞蹲殘身螻蟻食

社鬼不復憑乘間恣出入以下五段歷舉鼠之為害起下文欲捕之意也○陶詩吾

亦愛吾廬杜詩見訪荒江渺世說王君夫嘗責一人

垂死乃得出杜有病柏詩易天地解而雷雨作詩

本寔先撥李少卿答蘇武書邊土慘裂杜詩蒼皮成

委積又病柏詩鴟鴞志意滿養子穿穴內莊子在

下為螻蟻食按社鬼字出漢書王莽傳庭中玉藥枝

漢書趙充國傳外不令虜得乘間之執

怒茁遭狼藉非敢念摧殘於君奚損益屈指五六年不

遣一花白

古詩庭中有奇樹周美成玉蕊辯證此花條蔓如茶藤花鬚出始如水絲上綴金粟花心

別有碧筍

如膽瓶中別抽一英出眾鬚上散為十餘蕊

猶刻玉然

羣芳所未有也詩彼茁者葭史記滑稽傳

杯盤狼藉

杜詩豈敢惜凋殘張平子西京賦樸叢為

之摧殘

吳志顧譚傳屈指心計杜詩愁結白花了

筍筍抽新芽編籬察行跡免彼鎌鉏侵值爾齒牙厄反

使盜者心笑睨生歎息

子山春賦新芽竹筍金史徒單克寧傳以竹編籬張景陽詩

房櫬無行跡

韻會鉏同鋤詩相鼠有齒又誰謂鼠

無牙

史記衛康叔世家恐其有賊心陳剛中詩笑

睨伊呂

貧賤有此園謂可資漑植春蔬晚猶種夏果晨

躋義皇

自摘鳥雀羣飛鳴啁啾滿阡陌婦子懶驅除傳藁加簞

笠我亦顧而笑自信無長策焉能避穿墉會須憂入室

古詩貧賤有此女南史劉虬傳三年營灌植王元

之詩濛濛細雨春蔬甲陸務觀詩徹底無能合種蔬

張文潛詩竹籠晨收果左太冲詩果下皆生摘鳥雀

字山左傳文十八年詩載飛載鳴柳子厚詩啁啾有

餘樂江詩苗生滿阡陌詩嗟我婦子史記秦楚之際

月表適足為賢者驅除難耳按傳如左傳僖四十年

皮之不存毛將焉傅之傳言麗著也北史楊大眼傳常

縛藁為人詩臺笠緇撮謝元暉詩臺笠聚東菑註古通

臺詩顧我則笑史記過秦論振長策而茅齋雖云

御宇內詩何以穿我墉又入此室處

陋一一經剪葺曉起看掃除仰視輒詫惜尋繩透簾幕

掉尾來几席倒皮傾圖書窺厨啖漿炙空倉喧夜鬪忘

疲競遺粒早幸官吏租督責無餘積南齊書劉善明傳

已南史孔珪傳草萊不翦左傳襄三十一年繕完葺

墻陳剛中詩曉起候鐘聲杜詩門庭問掃除史記

蘇秦傳不敢仰視字典咤悲也蔡文姬詩恒咤靡肝肺

元詩簾幕四垂燈焰煖國語螽蟴之既多而不能

掉尾後漢書鍾離意傳注拭几席世說王右軍郗夫

人曰王家見二謝傾筐倒皮易河出圖洛出書梅聖

俞詩聚噪鳥窺厨玉篇啖同噉子山小園賦聚空倉

而雀噪柳子厚詩稍深遂忘疲高士傳老萊子曰其

遺粒足食也史記秦始皇紀官吏尚彊又李斯邂

傳督責必則所求得管子民無餘積其禁不必止

近開虛堂羣怒扼險塞地逼起衆呼拍手撼四壁捕此

曷足多欲以觀其急櫺戶既嚴局樂櫺若比櫺瞥眼倏

遁逃一巧先百密此言驟捕鼠而鼠又遁也○詩邂逅

襄十年衆怒難犯宋史馮拯傳不扼險以制敵之衝未

易勝也子建七啟地逼勢脅晉書索統傳數十人

向馬拍手史記司馬相如傳家居徒四壁立宋史唐

英傳馬周魏元忠不足多按匡其急見管子張平

子週天大象賦天關嚴局於畢野說文樂木似欄檻

柱上枌也溫飛卿詩松癭鬬樂櫨詩其比如櫨劉夢

得詩君看瞥眼光陰速遁逃出賈誼窮迫信非算允豫

過秦論上南史徐陵傳緝裁巧密窮迫信非算允豫

不早擊忍令智弗如變計思與敵機深勇夫駭勢屈兒

童獲舉世貴目前快意相促迫此言鼠既遁而終見捕也舉世貴目前反振起

下段之意孫子窮寇勿追字典算籌畫也後漢書

馬援傳允豫不決左傳文十二年敵至不擊史記魯

連傳寧力不勝而智不若耶荀仲豫任安論是開後

人遂惡而無變計也漢書公孫宏傳外寬內深史

記淮陰侯傳情見勢屈潘安仁閒居賦兒童比讀莊

穉齒杜詩快意貴目前又能事不受相促迫比讀莊

生書退守愚公術撲棗聽隣家搔瓜任邊邑集作搔溪

深獺趁魚果熟猿偷栗天地所長養於已何得失嗟理

則誠然自古戒鼠泣仙豈學淮南腐難嚇梁國舞應京

房占磔按張湯律終當就羅網不如放山澤永絕焚林

風用全飲河德

此段推開一步有兼容并包之意所謂山鬼之伎倆有限老僧之不見不聞無

窮也

○漢書藝文志莊子五十二篇名周宋人李義山

詩莊生曉夢迷蝴蝶

列子北山愚公年九十欲平太

行王屋二山或笑之公曰我死有子子又生孫孫又生

子也而山不加增何苦而不平操蛇之神聞之告之於

帝帝命夸娥氏二子負二山一厝朔東一厝雍南

書王吉傳東家有大棗樹垂吉庭中吉婦取棗以啖吉

吉後知之乃去婦東家聞而欲伐其樹隣里共止之固

請吉令還婦按此反用之杜詩堂前撲棗任西隣

與朱宗樛梅岡曰賈誼新書梁大夫宋就為邊縣令與

楚隣界兩亭皆種瓜梁人劬力數灌其瓜美楚人窳而

稀灌其瓜惡楚令以梁瓜美夜竊搔之梁瓜皆有焦者

矣梁亭詰其尉欲報搔楚瓜宋就曰是構怨分禍之道

也令人竊爲楚亭夜灌瓜〔杜詩〕溪喧獺趁魚〔戴表〕

〔元詩〕野果高低熟皮襲美詩〔野猿偷栗重窺戶〕〔後漢〕

書仲長統傳安居樂業長養子孫〔詩〕自古在昔又鼠

思泣血〔後魏〕盧元明劇鼠賦〔淮南〕輕舉遂嘔腸而莫

追〔莊子〕惠子相梁莊子往見之或謂惠子曰莊子欲

代子相莊子曰鴟得腐鼠鵲雛過之仰而視之曰嚇今

子欲以梁國嚇我耶〔漢書〕五行志昭帝元鳳元年燕

有黃鼠銜其尾舞王宮端門中京房易傳曰誅不原情

厥妖鼠舞門〔史記〕酷吏傳張湯者杜人也湯掘窟得

盜鼠及餘肉具獄磔堂下〔杜詩〕君今在羅網〔禮〕母

焚山林〔淮南子〕焚林而獵愈多得獸後

必無獸〔莊子〕鰥鼠飲河不過滿腹

早幸官吏相督責無餘積得此空際二語方不死煞

句下此咏物詩中之別調也〔子美集〕中多咏物之

作說者謂歸燕傷羈旅也促織感客思也螢火刺闔

人也蒹葭傷賢人之失志苦竹嘉君子之避世也至

于鷓鴣花鴨雙燕百舌鸚鵡孤雁黃魚白小鷗猿鹿

鷄皆寓比興使讀者會心於意言之表洵稱盛矣然

若穿鑿傳會更或牽合時事強題就我而作者之意
反晦竊謂大手筆人興與理會必非泛然措詞果意
有所指則當推闡其微如杜鵑行之類是也卽事成
詩則當不求甚解如義鵑行之類是也梅村此詩體
物之工形容曲盡卽謂其譏切當時輕薄子如徐大
化阮大鍼輩緣梯攀援終罹爰書而又終之以兼容
并包不欲與小人爲難亦儘肖作者身分然過求甚
解必至於傳會牽合而後止不如且就其體物處反
覆吟翫而戒小人容小人處自于言外得之以意逆
志多闡闕疑兩者相兼方可說詩按沈存中夢溪
筆談水以漳名洛名者最多趙晉之間有清漳濁漳
當陽有漳水潁上有漳水鄆郡有漳江漳州有漳浦
亳州有漳水安州有漳水洛中有洛水北地郡有洛
水沙縣有洛水考其義乃清濁相蹂者爲漳漳者文
也別也謂兩物相合有文章且可別也清漳濁漳合
於上黨當陽卽沮漳合流潁上卽漳潁合流漳州予
未曾目見鄆郡卽西江合流亳漳卽漳渦合流雲夢
卽漳鄆合流此數處皆清濁合流色理如蟬螻數十

里方混云云然此詩明云清漳則非以合流為義矣
按允一作猶三國志諸葛亮傳內懷猶豫之計是
也豫一作預史記魯連傳猶預不能自決是也豫一
一作與禮決嫌疑定猶與是也集韻猶或作猶

吳門遇劉雪舫

韓詩外傳顏回從孔子登日觀望
吳門焉蘇州府志今人多稱平江

為吳門

明詩綜

劉文炤字雪舫任邱人新樂

忠恪侯文炳弟有攬蕙堂偶存明史外戚傳崇

禎十七年三月十九日新樂侯劉文炳之弟文

照方侍母飯家人急入曰城陷矣文照盥脫地

直視母母遽起登樓文照及二女從之文炳妻

王氏亦登樓懸孝純皇后像母率眾哭拜各縊

死文照入縵墮拊母背連呼曰兒不能死矣從

母命留侍太夫人遂逃去按文炳母杜氏聞城

將陷即命侍婢簡笥縗于樓上作七八縵命家

僮積薪樓下遂遣老僕迎李氏吳氏二女歸曰

吾母女同死此又念孝純皇太后母瀛國太夫

人年篤老不可俱燼因與文炳計匿之申湛然

家文照所以有留侍太夫人語也

出門遇高會雜坐皆良朋排閣一少年其氣爲幽并羌

裘雖裹膝目乃無諸僮忽然語笑合與我談生平

此敘初與

劉遇也

易出門同人史記項羽紀飲酒高會

又滑

稽傳

州閭之會男女雜坐詩每有良朋

三國志吳範

傳

乃排閣入爾雅釋宮小閨謂之閣曹詩京洛出少年

金史元德明傳子好問挾幽并之氣

兜裘

吳越春秋裹膝鶴倚哭于秦庭齊書邱靈鞠傳

顧榮忽引諸僮渡妨我輩塗轍詩笑語卒獲晉書

謝安傳

言生

亡姑備宮掖吾父天家婚先皇在信邸降

平歡笑

竟日

禮如諸甥長兄進徹侯次兄拜將軍先皇早失恃寤寐

求音形

太廟奉膺容流涕朝羣臣新樂初受封搢笏登

王廷至尊亦豐頤一見驚公卿兩宮方貴重通籍長安
門周侯累纖微鄙哉無令名田氏起輕俠賓客多縱橫
不比先后家天語頻諄諄獨見新樂朝上意偏殷勤愛

其子弟謹憂彼俸給貧每開三十庫手賜于黃金

此兩段談

平生之盛也亡姑備宮掖六句是家門之美先皇早失
恃以下受恩之異○晉書王爽傳亡姑亡姊伉儷二
宮後漢書竇憲傳恃宮掖聲勢明史后妃傳孝純劉太
后莊烈帝生母也海州人後籍宛平按此與明詩綜之
任邱互異獨斷以天下為家故稱天家晉書胡奮傳
歷觀前代與天家婚按明史外戚傳文炳母杜氏歙縣
潘應椿皆山曰魏叔子新樂侯傳文炳取光宗皇后姪
永寧侯王天瑞長女文耀取懿安皇后妹太康伯張國
紀次女生女二長嫁神宗皇太后姪武清侯李誠銘子
則所謂天家婚者非指尚主也明史莊烈帝紀天啟

二年封信王六年十一月出居信邸諸甥出晉書楊

濟傳漢書百官表徹侯金印紫綬獨斷羣臣異姓有

功封者稱曰徹侯避武帝諱改曰通侯按明史外戚

傳崇禎九年進文炳為新樂侯晉少傅叔繼弟文曜文

炤俱晉爵而文曜于城破投井時大書版井旁曰左都

督劉文曜同兄文炳畢命報國處又職官志武官散階

三十自正二品至從五品皆授將軍則文曜之拜將軍

舊矣詩無母何恃又寤寐求之明史后妃傳帝

五歲失太后問左右遺像莫能得懿妃舊與太后同為

淑女比宮居自稱習太后言宮人中狀貌相類者命后

母瀛國太夫人指示畫工可意得也圖成由正陽門具

法駕迎入帝跪迎於午門懸之宮中呼老宮婢視之或

曰似或曰否帝雨泣六宮皆泣按孝純本傳內廷別置

一殿祀孝純而此云太廟亦借用字也明史外戚侯

表新樂侯劉效祖孝純太后弟莊烈帝即位封莊子

摺笏紳修宋書禮志所謂摺紳之士者摺笏而垂紳帶

也三國志王修傳注用升爾於王廷史記過秦論履

至尊而制六合王子淵責髯奴文輔以豐頤漢書鄒

陽傳長君之弟幸於兩宮如淳曰太后宮及帝宮也
又元帝紀令從官給事宮司馬中者得爲父母兄弟通
籍明史輿服志正南曰承天門又折而東曰長安左門
折而西曰長安右門又外戚傳周奎蘇州人周皇后
父也封嘉定伯居外戚中碌碌而已後漢書梁商傳纖
微成大左傳閔元年猶有令名明史田妃傳父宏
遇好佚遊喜輕俠以女貴官左都督詳永和宮詞曹潔
躬曰宏遇字康字後漢書李固傳賓客縱橫左傳
僖二十四年先其謂我何太白明堂賦聽天語之
察察擬帝居之將將詩誨爾諄諄三國志田疇傳主
意殷勤杜詩愛其謹潔極史記司馬相如傳子弟之
率不謹也又張儀傳使臣陰奉給君資按明史諸
志無三十庫容齋三筆神宗有恢復幽燕之志于內帑
置庫凡三十二庫或借用其語耳張文昌詩君王手
賜黃金璫李詩美長戈指北闕鼙鼓來西秦寧武止一
人一笑千黃金

戰各帥皆投兵漁陽股肱郡千里無堅城嗚呼四海王

此際惟一身彷彿萬歲山先后輜輶迎辛苦十七年欲

訴知何因今纔識母面同去朝諸陵我兄聞再拜慟哭

高皇靈烈烈鞏都尉揮手先我行寧同英國死不作襄

城生我幼獨見遺貧賤今依人

此兩段談生平之厄也長戈指北關十四句紀

莊烈之殉社我兄聞再拜八句紀文炳之死國黜出先後既顧題母亦增精采○李義山詩長戈利矛日可麾

漢書息夫躬傳長戟指闕禮鼓聲之聲謹白詩漁陽

鼙鼓動地來郭景純方言注西秦酒泉燉煌張掖是也

按史稱李自成陷全陝則秦之分皆有之矣西秦猶陝

西也

大清一統志明置寧武關屬代州崞縣雍正

四年改置寧武府明史周遇吉傳十七年二月太原陷

遂陷忻州圍代州遇吉先在代遇其北犯乃憑城固守

而潛出兵奮擊連數日殺賊無算會食盡援絕退保寧

武賊亦踵至遇吉四面發大礮殺賊萬人設伏城內出

弱卒誘賊入城殺數千人城圯復完者再傷其四驍將
自成懼欲退其將曰我衆百倍于彼但用十攻一更番
進蔑不勝矣城遂陷闔家盡死而大同總兵姜瓖表至
自成大喜方宴其使者宣府總兵王承廕表亦至自成
益喜遂決策長驅歷大同宣府抵居庸太監杜之秩總
兵唐通復開門延之京師遂不守矣賊每語人曰他鎮
復有一周總兵吾安得至此三國志孫權傳臨陣所
斬及投兵降者數萬人按秦漢後魏齊周隋皆置漁
陽郡明之通州漷縣武清順義密雲懷柔薊州平谷遵
化皆是也然此數處皆非李自成由山西入京之路蓋
約畧言之謂畿輔覆沒耳史記季布傳河東吾股肱郡
又淮陰侯傳頓之燕堅城之下司馬長卿子虛賦
若神僊之彷彿明史莊烈帝紀帝崩於萬歲山大
清一統志明之煤山亦名萬歲山乃今之景山也漢
書張敞傳禮君母出門則乘輜輶後漢書輿服志注有
邸曰輜無邸曰輶輶車即輦也左傳昭三十年視民
如子辛苦同之明史流賊傳論子立于上十有七年
柳子厚詩絆足去何因明史地理志應天府東北有

鍾山山南有孝陵衛又昌平州北有天壽山成祖以下陵寢咸在杜詩我見常再拜明史外戚傳文炳闔門死者四十二人詩相土烈烈明史公主傳光宗樂安公主下嫁鞏永固都城陷時公主已薨未葬永固以黃繩縛子女五人繫柩旁曰此帝甥也不可汙賊手舉劍自刎闔室自焚死又職官志駙馬都尉位在伯上古詩揮手從此辭晉書王嘉傳卿其先行按英國公張世澤襄城伯李國楨也說附後南史沈攸之傳寧爲王陵死不作賈充生又褚彥回傳寧爲袁粲死不作彥回生魏叔子贈劉雪舫敘方甲申三月之變君年纔十有五歲又新樂侯傳文炳乃牽文照手曰汝幼可無死當逃去得奉太夫人延劉氏祀也唐書長孫無忌傳若飛鳥當時聽其語剪燭忘深更長安昔全盛曾記朝

元正道逢五侯騎願替爲卿兄卽君貌酷似豐下而微黔貴戚諸舊游追憶應難真依稀李與郭流落今誰存

此因雪舫之談而詢諸國戚也似畫家橫雲斷嶺之妙

○李義山詩何當共剪西窗燭李巨山詩昔日西京

全盛時韓詩會朝元正無不至明史禮志洪武元年

九月定正旦朝會儀漢書元后傳河平二年上悉封

舅譚爲平阿侯商成都侯立紅陽侯根曲陽侯逢時高

平侯五人同日封故世謂之五侯按頗長也替白也

世說孝武問王爽卿何如卿兄南史宋武帝紀何無

忌劉牢之之外甥酷似其舅左傳文元年穀也豐下

必有後於魯國注豐下蓋面方又襄十七年邑中之黔

寔慰我心注子罕黑色居於邑中李詩長歌懷舊游

李義山詩此情可待成追憶元詩依稀憶得

楊與李李郭見下唐書李揆傳流落凡十六年君曰

欲我談清酒須三升舊時白石莊萬柳餘空根海淀李

侯墅秋雁飛沙汀博平有別業乃在西湖濱惠安蓄名

花牡丹天下聞富貴一朝盡落日浮寒雲走馬南海子

李詩集卷一上

李詩集卷一上

李詩集卷一上

李詩集卷一上

李詩集卷一上

李詩集卷一上

李詩集卷一上

李詩集卷一上

李詩集卷一上

李詩集卷一上

李詩集卷一上

射兔西山陰路傍一寢園御道居人侵碑鐫孝純字僵
石莓苔青下馬向之拜見者疑王孫詢是先后姪感歎
增傷心落魄游江湖踪跡嗟飄零傾囊縱捕搏劇飲甘
沉淪不圖風雨夜話舊同諸君已矣勿復言涕下沾衣

襟

此雪舫談諸國戚而復以自悲也似畫家餘波回旋之妙○三國志管輅傳注請先飲清酒三升然後言

之

帝京景物畧白石橋北萬駙馬莊在焉曰白石莊

廣輿記

順天府白石莊其景多柳一統志暢春園

在京城西直門外十二里地名海淀明武清侯李偉故

園明史外戚傳李偉字世奇潮縣人神宗生母李太后

父也封武清伯進侯王元長詩秋雁雙雙飛梁元帝

詩沙汀夜鶴嘯羈雌明史后妃傳光宗孝元皇后郭

氏順天人父維城以女貴封博平伯進侯卒兄振明嗣

按世表維城在始封格內振明在子格內表傳互異或

因其嗣侯之故與南史謝靈運傳修營別業一統志
西湖在宛平縣玉泉山下明史外戚表彭城伯張麒
昭皇后父永樂九年追封惠安伯張昇麒次子七世慶
臻崇禎十七年城陷闔家自焚死一統志張園在宛平
縣西明惠安伯張元善別墅牡丹芍藥各數百畝李
詩浮雲游子意落日故人情柳文暢詩寒雲晦滄洲
一統志南海子在京城永定門外二十里北史魏廣
平王倣傳日射兔得五十頭一統志西山在宛平縣西
三十里太行山別阜也漢書叔孫通傳先帝園陵寢
廟羣臣莫習李詩石平御道開詩豈無居人明史
后妃傳莊烈帝居勗勤宮問近侍曰西山有申懿王墳
乎曰有傍有劉娘娘墳乎曰有每密付金錢往祭及卽
位上尊諡曰孝純恭懿淑穆莊靜毗天毓聖皇太后遷
葬慶陵漢書昭帝紀注僵偃也杜詩玉殿莓苔青
史記淮陰侯傳吾哀王孫而進食又酈生傳家貧落
魄李詩一去無踪跡杜詩飄零爲客久魏叔子贈劉
雪舫敘君去京師避地秦郵者二十年勞苦患難饑寒
之狀無弗身試周美成汴都賦皆傾囊鼓篋羅列而

願售晉書劉惔傳以蒲博驗之其不必得則不爲也

魏書裴伯茂傳末年劇飲不已杜詩容易失沉淪

應物詩誰知風雨夜復此對床眠姚合詩開尊話

舊時漢書蘇武傳願無復再言莊子涕泣沾襟

長篇詩須一氣貫徹眉目分明如此詩與我談生平

領起前半篇君曰欲我談領起後半篇而間之以當

時聽其語一段更覺烟波無限終之以已矣勿復言

則有字句處皆化爲無字句處矣明史功臣年表

英國公張世澤崇禎十六年襲城陷被殺襄城伯李

國楨崇禎十三年襲城陷賊執殺之似其死同也然

張輔傳傳爵至世澤流寇陷京師遇害而李濬傳賊

勒國楨降國楨解甲聽命責賄不足被拷折踝自縊

死則此詩爲信史矣又范景文等傳未附書福王時

建旌忠祠正祀武臣祀新樂侯劉文炳惠安伯張慶

臻襄城伯李國楨駙馬都尉鞏永固左都督劉文曜

山西總兵官周遇吉遼東總兵官吳襄七人夫吳襄

爲賊所劫作書招降其子國楨解甲聽命致斃於刑

而與新樂等同祀故梅村云今古一邱之貉不知誰

鳳誰梟是亡國之彰瘝不如詩人之衮鉞也 又按

太清一統志李國楨和州人世襲襄城伯崇禎

末流賊入京國楨奔赴梓宮賊執之以好語誘使降

國楨曰有三事從我乃降一祖宗陵寢不可發一須

葬先帝以天子禮一太子二王不可害自成悉諾之

國楨俟陵寢事畢遂自縊于寢旁其傳聞之異辭乎

抑先以三事要自成而于責賄後縊于寢旁兩者皆

爲寔錄乎然思陵在昌平州而流賊傳執周奎朱純

臣陳演魏藻德等八百餘人送劉宗敏營中拷掠責

賕賂距寢旁尙遠不知國楨當日何緣得至昌平耳

按宋荔裳謝劉雪舫餽酒詩側聞甲申春哲兄仗

奇節百口盡祝融義比崑岡烈南州有王生椽筆直

如鐵作傳表英風快事稱雙絕中夜鬼神泣毛髮森

凜冽言君隱甓湖躬耕種瓜瓞劉復燕謂王生于一

南昌人按于一猷定字也甓社湖在

高郵州西北雪舫蓋流寓高郵者

竇東臯師曰按此篇依宋吳才老韻補用韻故庚青

蒸與真文元侵通押至鄭庠古韻則真文元寒刪先

六韻相通而不通庚青蒸侵覃鹽咸四韻相通而不
通真邵子湘古今韻畧叶音皆主吳才老而真文元
寒刪先庚青蒸侵等韻通轉之例則是鄭而非吳且
錄杜韓詩為証云顧寧人說亦如是毛大可韻學指
要亦主鄭說欽定叶韻彙輯則庚青蒸侵韻皆
不通真凡古人真文元韻字與庚青蒸侵韻並用者
皆收入叶韻而衆說遂定要之古韻古無成書吳鄭
顧邵毛諸人各據所見立論亦互有得失梅村此篇
自依韻補通叶用韻耳
詩之工拙不在此也

臨江叅軍

明史地理志臨江府清江倚按此詩贈
楊廷麟也明史楊廷麟傳字伯祥清江

人

臨江髯叅軍負性何貞栗上書請賜對高語爭得失左
右為流汗天子知質直公卿有闕遺廣坐憂指摘鷹隼

伏指爪其氣嘗突兀同舍展歡譔失語輒面斥萬仞削

蒼崖飛鳥不得立

此序參軍未改官時風裁之峻○晉書郗超傳轉為桓溫參軍府中語曰

髯參軍

禮續密以栗

上書出戰國策蘇秦事並史

記范睢傳

宋史真宗紀

有言政刑得失邊防機事者并

賜對

王介甫詩高語不敢出

陳書徐陵傳陵進讀

奏版時

安成王殿上侍立仰視世祖流汗失色

漢書

公孫宏傳

贊質直則汲黯

又司馬相如傳靡有闕遺

矣

史記信陵君傳自迎羸

于衆人廣坐之中唐書顏

師古傳

令指摘疵短

禮鷹隼蚤鷺元詩似鷹指爪惟

攫肉

杜詩何得立哭兀

史記司馬相如傳梁孝王

令與諸生同舍

韓與張文昌郾城聯句詩何由恣歡譔

漢書王商傳自恨失言晉書劉殷傳凡人尙不可面

斥其過而况萬乘乎

何承天詩

予與交十年弱節資

深谷萬仞

李義山詩蒼崖萬歲籐

厚期待者遠○管子賢

扶植忠孝固平生

吾徒在真實

此序已與參軍交誼之

厚期待者遠○管子賢

此序已與參軍交誼之

者守弱節而謙處之史記三王世家蓬生麻中不扶自直班孟堅兩都賦序或以宣上德而盡忠孝釋貫

休詩誰人

愛真寶

去年羽書來中樞失籌策桓桓尙書公提兵

戰疾力將相有纖介中外爲危慄君拜極言疏夜半片

紙出贊畫樞曹郎遷官得左秩

此序楊盧構嫌衆軍拜疏及改官主事之事○

按去年崇禎十一年也程大昌演繁露引魏武奏事曰

有急以鷄羽插木檄謂之羽檄元詩書送中樞曉禁

清宋史張方平傳首乞合樞密之職于中書按中樞蓋

謂以閣臣兼兵部而下文贊畫樞曹郎亦以職方隸兵

部耳史記留侯世家運籌策帷帳中書尙桓桓明史

盧象昇傳字建斗宜興人進兵部尙書三賜尙方劍督

天下援兵

大清兵南下三路出師象昇遂由涿進

據保定命諸將分道出擊大戰于慶都

世說謝元曰

丈夫提干兵入死地以事君親故發史記灌嬰傳戰疾

力

明史楊嗣昌傳象昇主戰嗣昌與監督中官高起

潛主欵議不合交惡漢書孫寶傳內有織介
慄不安韓詩拜疏移閣門後漢書明帝紀羣司勉修
職事極言無諱廷麟傳廷麟上疏劾兵部尚書楊嗣昌
言南仲在內李綱無功潛善秉成宗澤殞命乞陛下赫
然一怒明正向者主和之罪時嗣昌意主和議與紆外
患而廷麟痛詆之嗣昌大恚詭薦廷麟知兵帝改廷麟
兵部職方主事贊畫象昇軍宋史司馬光傳異日禁
中夜半出寸紙漢書周昌傳吾極知其左遷師古曰
是時尊右而卑左天子欲用人何必歷顯職所恨持祿
故謂貶秩爲左遷

流垂頭氣默塞主上憂山東無能恃緩急投身感至性
不敢量臣力受詞長安門走馬桑乾側但見塵滅沒不

知風慘慄四野多悲笳十日無消息

此序改官後慷慨任事之意○漢書

張敞傳此天子欲用我也

陳書徐陵傳此則清階顯

職史記秦始皇紀天下畏罪持祿

韓詩低徊但垂

頭李文山詩默塞飛星霜賈生請封建子弟疏陛下

高枕終無山東之憂矣史記袁盎傳一旦有緩急寧

足恃乎後漢書朱穆傳侯生豫子之投身杜詩至性

有此不左傳隱十一年不量力杜詩受詞太白脚

走馬仇池頭長安門見遇劉雪舫明史河渠志桑乾

河盧溝上源也發源太原之天池伏流至朔州馬邑雷

山之陽有金龍池者溢出為桑乾山西通志馬邑縣桑

乾河繇陽高入直隸境顏延年赭白馬賦驅騫迅于

滅沒古詩北風何慘慄杜詩悲笳數聲動

南史謝晦傳若後二三日無消息便是不復來耶 蒼頭

草中來整暇見紙墨唯說尚書賢與語材挺特次見諸

大帥驕懦固無匹逗撓失事機倏忽不相及變計趣之

去直云戰不得成敗不可知死生予所執此序一見參

之賢否而以大義自矢也漢書鮑宣傳注漢名奴為

蒼頭杜詩令弟草中來左傳成十六年欒鍼曰好以

衆整好以暇

〔杜詩〕與語才傑立〔唐書忠義傳〕吳保安

氣挺特不俗

〔陶詩〕懶惰固無匹〔漢書韓安國傳〕廷

尉當王恢逗撓

〔吳子〕分散其衆是爲事機〔後漢

書酈炎傳〕倏忽誰能逐

〔嗣昌傳〕嗣昌戒諸將毋輕戰諸

將本恇怯率藉口持重觀望所在列城多破

〔嗣昌傳〕嗣昌戒諸將毋輕戰諸

中報請旨授方畧比下軍前則軍機已變進止乖違疆

〔史記〕項羽紀數

事益壞云

變計見松鼠集韻趣音促〔史記〕項羽紀數

使使趣齊兵

〔諸葛孔明〕出師表成敗利鈍非臣之明

所能逆睹也

〔三國志〕田疇傳注其聽疇所執

敗問至南望爲於邑忽得別地書慰藉告親識云與副

都護會師有月日顧恨不同死痛憤填胸臆〔此序再見

內第一段〕以未與盧同死爲恨也

〔鮑詩〕對案不能食

〔司馬子長報任安書〕後數日陵敗書聞〔字典〕聞通作

問〔隋書河間王慶傳〕于時江都敗問亦至

邑而不可止

〔後漢書〕隗囂傳所以慰藉之良厚〔陶詩〕

親識豈相思按象昇戰死而反慰藉者蓋以尙書之能
報國與已之能引義爲慰而非以已之不在軍爲慰也
觀顧恨不同死句可見蓋慰藉句直貫至後世謂吾筆
矣按明史職官志初置帳前總制親軍都指揮使司
後改置金吾侍衛親軍都護府設都護從二品尋罷然
亦不載有副都護也唐書百官志副都護正四品梅村
蓋以比兵部侍郎耳左傳隱四年羽父請以師會之
退之祭十二郎文不知當言月日詩及爾同死王
仲宣登樓賦氣交憤於胸臆 先是在軍中我師已孔亟剽畧斬亂兵

掩面對之泣我法爲三軍汝寔饑寒極諸營勢潰亡羣
公意敦逼公獨顧而笑我死則塞責老母隔山川無由
寄悽惻作書與兄子勿復收吾骨得歸或相見且復慰
家室別我顧無言但云到順德掎角竟無人親軍惟數

百此書內第二段追序盧未死以前事先是在軍指

叅軍未往真定時也象昇傳命大學士劉宇亮輔臣

督師巡撫張其平閉闔絕餉故云師孔亟饑寒極也又

以雲晉警趣出關王樸徑引兵去故云諸營勢潰亡也

按象昇傳畿南父老請曰三軍捧出關之檄將士懷西

歸之心棲遲絕野一飽無時脫巾狂噪雲帥見告皆饑

寒潰亡之證而以雲帥字徵之則王樸蓋大同總兵官

耳○史記絳侯世家軍中但聞將軍令詩不宜空我

師又孔棘且殆唐書李光弼傳所在剽畧獨光弼整

衆還晉語平公謂陽畢曰自穆公以至於今亂兵不輟

白詩君王掩面救不得世說庾子嵩曰我自用我

法隋書王辯傳諸營已有潰者詩羣公先正徐孝

穆為陳武帝璽書公卿敦逼顧而笑見松鼠漢書

朱建傳聞吏至門建欲自殺諸子及吏皆曰事未可知

何自殺為建曰我死禍絕不及乃身矣又公孫宏傳恐

病死無以塞責史記管仲傳知我有老母也按象昇

傳十一年五月丁外艱席喪侯代是以止云老母隔山

川而死時猶服麻白也文通別賦百感淒惻後漢

書馬援傳兄子嚴敦援還書誠之左傳僖三十二年

余收爾骨焉按此反用退之示姪孫湘好收吾骨瘴江

邊杜詩蒼茫問家室明史地理志順德府距京師

一千里左傳襄十四年晉人角之諸戎掎之正韻繼

其後曰掎其前曰角唐書兵志乾寧元年詔諸王

閔親軍按象昇傳十二月十一日進師至鉅鹿賈莊起

潛擁關寧兵在雞澤距賈莊五十里而近象是夜所乘

昇遣廷麟往乞援不應所謂掎角無人者也

馬嘶鳴氣蕭瑟椎鼓鼓聲哀拔刀刀芒澀公知為我故

悲歌壯心溢當為諸將軍揮戈誓深入日暮箭鏃盡左

右刀鋌集帳下勸之走叱謂吾死國官能制萬里年不

及四十此書內第三段是序盧殉義之事象昇傳象

戰將勝輒躑躅嘶鳴意氣駿逸其敗必低頭不前宋玉

九辨蕭瑟兮草木搖落而變衰漢書李陵傳擊鼓起

九辨蕭瑟兮草木搖落而變衰漢書李陵傳擊鼓起

九辨蕭瑟兮草木搖落而變衰漢書李陵傳擊鼓起

九辨蕭瑟兮草木搖落而變衰漢書李陵傳擊鼓起

九辨蕭瑟兮草木搖落而變衰漢書李陵傳擊鼓起

士鼓不鳴〔杜詩〕風水白刃澀
晦太后惡之心不樂曰此爲我也〔史記呂后紀〕日食晝
歌慷慨〔曹孟德樂府〕壯心不已
忍悲揮戈〔史記秦始皇紀〕楚師深入戰于鴻門
金絲縷箭鏃〔史記匈奴傳〕短兵則刀鋌
家內相攻擊擾亂于帳下〔漢書翟方進傳〕死國埋名
猶可以不慙於先帝〔晉書羊祜傳〕將軍都督萬里
三國志郭嘉傳〔注〕郭奉孝年不滿四十
此人曾不得四十也〔象昇傳〕死時年三十九
水橋遇〔象昇傳〕死時年三十九
未礮盡矢窮奮身鬪後騎皆進手擊殺數十人身中四
矢三刃遂仆掌牧楊陸凱懼衆之殘其屍而伏其上背
負二十四矢以死〔按〕象昇傳畿南三郡父老叩軍門
請移軍廣順在師未至鉅鹿以前象昇死時一軍盡覆
不聞有帳下勸走之事或傳聞異詞耳
詔下詰死狀疏成紙爲濕引義太

激昂見者憂讒疾公旣先我亡投跡復奚恤大節苟弗

明後世謂吾筆

此書內第四段是敘其報軍中曲折之事以直筆報虛所以謂之慰藉也○李

咸用詩著紙痕猶濕

漢書王章傳不自激叩

宋史

陳東傳邦彥等讒疾無所不至

揚子雲解嘲欲行者

擬足而投迹

宋史

程琳傳不辱吾筆矣

此意通鬼神至尊從薄謫生還就

耕釣志願自此畢匡廬何截業大江流不測君看磊落

士艱難到蓬草猶見叅軍船再訪征東宅風雨懷友生

江山爲社稷生死無媿辭大義炤顏色

此言叅軍再以直言獲譴而辭

官歸里也○杜詩此意竟蕭條易與鬼神合其吉凶

至尊見遇劉雪舫象昇傳起潛聞敗倉皇遁不言象昇

死狀嗣昌疑之有詔驗視廷麟得其屍戰場麻衣白綱

巾一卒遙見卽號泣曰此吾盧公也三郡之民聞之哭

失聲方象昇之戰歿也嗣昌遣三邏卒察其死狀其一

人俞振龍者歸言象昇寔死嗣昌怒鞭之三日夜且死

曰天道神明無枉忠臣於是天下聞之莫不歆獻益悲
嗣昌矣廷麟傳象昇戰死賈莊嗣昌意廷麟亦死聞其
奉使在外則為不憚者久之會廷麟報軍中曲折嗣昌
擬旨責以欺罔事平貶廷麟秩調之外漢書班超傳
一得生還復見闕庭孟詩耕釣方自逸嵇叔夜絕交
書志願畢矣匡廬見贈蒼雪司馬長卿上林賦九嶷
巢業謝元暉詩大江流日夜杜詩君看磊落士
又詔許歸蓬革征東宅說附後詩風雨如晦又不
如友生晉書王導傳舉目有江山之異禮建國之神
位右社稷而左宗廟按江山為社稷即張平子鬲體賦
日月為燈燭雲漢為川池之意公羊傳使死
者復生生者不愧乎其言杜詩猶疑照顏色

中外為危慄不知風慘慄提兵戰疾力不敢量臣力
皆重押按明史順治二年南都破後廷麟死於贛
而詩中所詠止詳其贊畫軍務始末以去年羽書來
徵之詩蓋作於崇禎十二年也又按尚書於叅軍劾
嗣昌後奪尚書銜以侍郎視事嗣昌敗始贈尚書福
王時謚忠烈而篇中桓桓尚書公惟說尚書賢蓋據

其前銜而言之耳 此詩以楊爲經以盧爲緯叅軍平日之能於其官與効嗣昌赴軍前皆用正寫而尙書死事於前後兩書中一虛敘一寔敘詳悉夾寫則寫尙書處皆是寫叅軍處也惟桓桓二語是正寫尙書然亦爲叅軍拜疏敘明緣起耳歸注叅軍方不至誼客奪主 猶見叅軍船二句不得其解晉書卻詵傳召爲征東叅軍然亦不紀詵有訪宅之船也翫詩意似叅軍於尙書沒後存問其家而借用詵傳中字耳 按明史諸王傳梅村與叅軍于崇禎十年俱以編修爲東宮講讀官又梅村楊鳧岫墓誌同館兄弟二十四人而豫章楊機部山右王二彌立朝相終始機部最伉直嬰城不屈而死故此詩敘故舊之誼爲篤非於盧楊有所軒輊也

吳詩集覽卷一下

五言古詩一之下

贈願雲師

并序

願雲二十而與子游甲申聞變常相約入山予
牽帥不果而師已悟道受法於雲門具和尚今
夏從靈隱來止城西之太平菴云將遠游廬嶽
貽書別予以兩人年踰不惑衰老漸至世法夢
幻惟出世大事乃爲真實學道一着不可不勉
予感其言因作此詩贈之并識予媿也

程迓亭
嬰東耆

舊傳王瀚字原達受業張采爲諸生有名國變
哭學棄衣焚書籍爲恭謝聖廟入山詩百首遂
爲僧從靈隱三昧老人證菩提果號晦山大師
名戒顯字願雲住雲俱山楚黃梅之四祖道場
迨具德和尚欲往徑山乃招之於黃梅取靈隱
付之庚寅夏入廬山遂主席江右所著有晦山
語錄現果隨錄淵血草等行于世甲申卽順
治元年左傳襄十年季帥老夫以至於此
王詩悟道正迷津梅村具德和尚塔銘師諱
宏禮號具德生於紹興山陰之張氏杭州府志
具德投普陀寶華菴仲雅師祝髮作靈隱僧
大清一統志靈隱山在錢塘縣西太倉州
志太平菴元至正四年建韓詩凌江諸廬嶽
禮養衰老五燈會元張三李四欲會世法
金剛經一切有爲法如夢幻泡影如露亦如電
南史顧歡傳釋氏出世爲宗漢書張良傳
廼學道
欲輕舉

曉雨西山來松風滿溪閣忽得吾師書別予訪廬嶽分

攜出苦語殷勤謂同學兄弟四十餘衰遲已非昨寄身

蒼崖巔危苦愁失脚萬化皆虛空大事惟一着

十二句言得願

雲書書中以出世相勸也○梅聖俞詩曉雨射船珠瀉

盤晉書王徽之傳西山朝來致有爽氣南史陶宏景

傳特愛松風白詩借君溪閣上杜詩吾師雨花外

李義山詩洞中展響省分攜蘇詩將行出苦語同學

見贈蒼雪元德明詩衰遲愧蒲柳王會之詩八十年

來已非昨晉書皇甫謐傳寄身聖世蒼崖見臨江叅

軍陸務觀詩失脚墮世網陶詩情隨萬化移法華

經其佛常處虛空為衆說法謝無逸詩淵明從遠公

了此一大事世說補蘇養直笑視徐再拜誦其言心顏

師川曰今日還須讓老夫下一着

抑何忤末運初迤邐達人先大覺勸吾非不早執手生

退却流連白社期慚負青山約君親既有媿身世將安

托十句言誦願雲之書而愧忤也○李詩雷奔駭心顏

韓詩插羽余何作易屯如遄如左太冲詩英雄有

迪遄莊子且有大覺而後知此其大夢也詩執子

之手漢書王商傳遷延却退稿簡贅筆遠法師在廬

山謝康樂為鑿東西二池種白蓮求入淨社號白蓮社

白詩白首青山約抽身去得無李少卿答蘇武書

違棄君親之恩鮑詩身世兩相棄今觀吾師行四海一芒屨大道本面

前即是真極樂他年跌深巖白雪養寂寞一偈出千山

下界鐘磬作故人叩松闕匡床坐酬酢不負吾師言十

年踐前諾十二句贊羨願雲而預訂後約也○晉書劉

惔傳織芒屨以為養高達夫詩何如大道

一千年李頎詩楚雲飛面前柳子厚修淨土院記有

世界曰極樂婆娑論結跏趺坐是相員滿更記司馬

相如傳潛處乎深巖揚子雲解嘲惟寂惟寞字典

偈釋氏詩詞也杜詩遙望千山萬山赤元詩鐘聲下

界聞左太冲蜀都賦庭叩鐘磬鄭守愚詩軒車日日

扣松關張平子同聲歌思為菅蒯席在下蔽匡床易

是故可與耐酢

杜詩丹砂負前諾

君親既有媿身世將安托梅村之所恫者深矣觀五

律中得願雲書一首十年之約所以不果踐者非住

匡廬之為難而匡廬亦非果可以托身世者也若以

此詩為欲住山以五言律為不克住山則皮相梅村

之詩

矣

避亂

三國志諸葛瑾傳漢末避亂江東此六首分合成章與磬清湖詩皆作於乙酉五月以後當與遣悶

後當與遣悶

六首叅看

我生江湖邊行役四方早所歷皆關河故園跡偏少歸

去已亂離始憂天地小從人訪幽棲居然逢浩渺百頃
礬清湖煙清入飛鳥沙石晴可數鳬鷺亂青草主人柴
門開鷄聲綠楊曉花路若夢中漁歌出杳杳白雲護仙

源劫灰應不擾定計浮扁舟於焉得終老

此首是追序與青房兄弟

預訂避亂也分三段首段八句訪礬清湖之由次段八

句狀礬清湖之景末段四句訂避亂之約○詩我生之

初莊子而浮乎江湖行役出魏風史記蘇秦傳東

有關河按歷關河指官翰林南雍及乙卯封延津孟津

雨王丙子典試湖廣等事梅花庵聯句所謂使車游宛

維樓艦出沱瀦者也齊虞炎詩方掩故園扉詩亂

離瘼矣退之原道曰天小者非天小也晉書天文志

天大而地小宋延清詩乘興入幽棲又浩渺浸雲

根杜詩百頃風潭上礬清湖詳卷二杜詩决皆入

歸鳥史記司馬相如傳內隱鉅石白沙木元虛海賦

沙石之嶽

〔詩〕鳬鷺在涇〔左傳〕僖二十六年野無青草

〔晉書〕儒林傳贊清直守道抗志柴門

〔溫飛卿〕鷄鳴

〔埭歌〕碧樹一聲天下曉李詩綠楊三月時

〔綦母孝通〕

〔詩〕花路入溪口〔沈休文詩〕夢中不識路

〔唐書〕張志和

〔傳〕嘗撰漁歌〔班叔皮北征賦〕飛雲霧之杳杳

〔陸務觀〕

〔詩〕雲護一天霜〔王詩〕不辨仙源何處尋

〔北齊書〕樊遜

〔傳〕昆明池黑以爲燒劫之灰扁舟見讀西臺記

〔宋史〕劉燭傳築雲莊山房爲終老隱居之計

〔從人訪〕幽棲尚非避亂時故歷寫礬清湖曠奧之景

〔而主人柴門開云云亦與第三首居人望帆立云云

閒忙迴別不然第三首何以云依然具

盤殮乎定計浮扁舟則相約避亂也

其二

長日頻云亂臨時信孰傳愁看小兒女倉卒恐紛然緩

急知難定身輕始易全預將襁褓寄忍使道塗捐天意

添漂泊孤舟雨不前途長從妾怨風急喜兒眠水市灣
頭見溪門屋後偏終當淳樸處不作畏途看未得更名
姓先教禮數寬因人拜村叟自去榜漁船多累心常苦

遭時轉自憐干戈猶未作已自出門難

此首是補敘初往磬清湖顛沛

之景分三段每段八句首段見當往磬清湖下兩段言將到磬清湖一就中途言之一就已身言之緩急難定干戈未作皆是亂未作而欲往避語正與第一首定計浮扁舟於焉得終老相應○〔杜詩〕長日容杯酒〔字典〕長常也〔杜詩〕遙憐小兒女倉卒見讀西臺記緩急見臨江叅軍〔白詩〕身輕心無繫〔嵇叔夜詩〕越在襁褓〔韓詩〕道塗綿萬里〔孟詩〕那堪正飄泊〔杜詩〕老病有孤舟〔按〕天意二句即磬清湖詩序中流風雨大作扁舟掀簸云云也〔杜詩〕不必取長途〔後漢書〕岑彭傳時天風狂急〔白詩〕水市通闌闔〔孟詩〕灣頭正堪

泊〔吳立夫詩〕老生力學掩溪門〔杜詩〕祗疑淳樸處
〔又〕盡室畏途邊〔漢書張良傳〕乃更名姓亡匿下邳
〔杜詩〕自識將軍禮數寬〔歐陽永叔詩〕子因叩村叟
〔宋書〕朱百年傳〔輒〕自榜船〔嵇叔夜琴賦〕寤時俗之
多累〔陸士衡詩〕志士多苦心〔李少卿答蘇武書〕遭
時不遇〔杜詩〕歸來始自憐〔張文昌詩〕漸覺出門難

其三

驟得江頭信龍關已不守由來嗤早計此日盡狂走老
穉爭渡頭篙師露兩肘屢喚不肯開得錢且沽酒予也
倉皇歸一時攜百口兩槳速若飛扁舟戢來久路近忽
又遲依稀認楊柳居人望帆立入門但需帚依然具盤
飧相依賴親友却話來途中所見俱八九失散追尋間

啼呼挽兩手屢休又急步獨行是衰朽村女亦何心插

花尙盈首

此首是正序避亂也分三段前後兩段各八句是亂中一段十句是避○

志

龍江關在江寧府西儀鳳門外

早計見壽王鑑明

杜詩

狂走終奚適

張子壽詩干艘咽渡頭

篙師

暗理楫

又

衣袖見兩肘

括異志道士張酒酒得

錢卽沾酒

蘇詩倉皇不負君王意

晉書周顗傳以

百口累卿

按此卽詩序中倉皇攜百口投之也

古樂

府艇子

打雨漿催送莫愁來王仲宣詩擊楫若飛

詩

戢其左翼

注戢斂也

淵明桃花源記忘路之遠近按

此卽詩序中榜人不辨水門故處久之始達也

詩楊

柳依依

居人見遇劉雪舫

禮必加帚於箕上左

傳僖二十三年乃餽盤飧寘壁焉

又僖五年諺所謂

輔車相依晉書王羲之傳與親友別按此卽詩序中主

人開門延宿鷄黍酒漿將迎灑掃也

漢書伍被傳皆

以爲十八九成又朱博傳十中八九阮詩世世相追

尋

漢書梁平王傳太后啼諱師古曰諱音火故反又

尋

王莽傳宮人婦女譟譟曰當奈何師古曰譟古啼字杜牧之詩處士拱兩手
詩獨行踽踽杜詩辛苦救衰朽

百詩至今村女面

美成詞好亂插繁花盈首

觀前首已自出門難是出門後語故有途長風急等句但尚未聞亂故其行緩又當尚未到青房家故云終當淳樸處耳此首驟得江頭信是于中途岸上得之而予也倉皇歸則歸船而非歸家也老穉爭渡篙師沽酒皆歸途之所見幸榜船在先預爲之計故獨能槩速若飛也居人望帆蓋因相約于前而臨時又預通信息耳失散追呼等六句雖亦敘途中所見然却是與青房共話者故與老穉爭渡等句不復一在目中一在口中故也六首中惟居人望帆四句是寔寫依青房兄弟避亂之事蓋此六首以避亂爲主磬清湖詩以青房等爲主命意各有在也沈歸愚師說詩晬語人以忙遽爲倉皇然古人多作倉黃少陵誓欲隨君去形勢反倉黃倉黃已就長途往邂逅無端出餞遲柳州倉黃見驅逐誰識死與生又云數

州之犬倉黃吠噬無作倉皇者倉皇二字應是後人誤用因倉卒皇遽而連及之也歐公伶官傳則云倉皇東出已屬宋人文集矣今按梅村集中如九原相見痛倉黃萬事倉皇在南渡則黃與皇通用也又倉亦通蒼黃亦通惶仇滄柱注杜詩作蒼惶已就長途往而注引北山移文蒼黃反覆然字典倉與臧滄桑愴亦通用也

其四

此方容跡便止爲過來稀一自人爭避溪山客易知有心高酒價無計掩漁扉已見東郭叟全家又別移總無高枕地祇道故園非爲客貪蝦菜逢人厭鼓鼙兵戈千里近隱遯十年遲惟羨無家雁滄江他自飛

此首言避者來而居

者又去是正寫亂字也分三段前後兩段各六句中一段四句○〔潘安仁秋興賦〕行投趾於容迹兮〔李巨山詩〕門間客過稀〔宋史蘇軾傳〕與田父野老相從溪山間〔梁書元帝紀〕長安酒食於此高價〔陸務觀詩〕漁扉並水涯〔唐書張志和傳〕兄鶴齡恐其遯世不還爲築室越州東郭〔漢書張良傳〕君安得高枕而卧〔杜詩〕蝦菜忘歸范蠡船〔又〕臨衰厭鼓鼙〔禮〕千里而近〔郭景純詩〕山林隱遯棲〔詩〕樂子之無家〔滄江見讀西臺記〕〔崔國輔詩〕湖裏鴛鴦鳥雙雙他自飛

其五

月出前村白溪光照澄練放檝浮中流臨風浩歌斷天
塹非不雄哀哉日荒燕嗟爾謀國徒坐失江山半長年
篙起舞扁舟疾如箭可惜兩河士技擊無人戰孤篷鐵

笛聲聞之淚流霰我生亦何爲遭時涉憂患昔也游九

州今來五湖畔麻鞋習奔走淪落成愚賤

此首言在湖嘆嗟是正寫

避字也家國身世長歌慟哭兼有之矣分三段一段八

句是悲致亂之人後兩段各六句恫撥亂之無人見遭

亂之獨異也○詩月出皓兮杜詩前村山路險溪光

見讀西臺記謝元暉詩澄江淨如練按此卽詩序中月

出柴門漁歌四起云云也晉書祖逖傳中流擊楫而

誓楚辭臨風愜兮浩歌南史孔範傳長江天塹

顏延年詩韜精日沉飲誰知非荒宴詩嗟爾君子

鶴林玉露南唐李後主于宮中作紅羅亭四面栽紅梅

欲以艷曲紀之潘佑應令云樓上春寒水四面桃李不

須誇爛熳已失了東風一半時已失淮南故佑以詩諫

云宋子京筆記蜀人謂施師爲長年三老江表傳

時東南風急火烈風猛往船如箭曹公退走爾雅兩

河間曰冀州荀子齊之技擊不可以遇魏北之武士

皮襲美詩孤篷半夜無餘事按朱子有鐵笛亭詩序

明史楊維禎傳坐船屋上吹鐵笛作梅花弄謝元暉詩淚下如流霰詩我生之後逢此百憂涉經也枚叔七發背秋涉冬湖長句法用之杜詩麻鞋見天子詩予曰有奔走李詩道風未淪落蔡文姬詩流離成鄙賤

其六

曉起譁兵至戈船泊市橋草草十數人登岸沾村醪結束雖非常零落無弓刀使氣搥市翁怒色殊無聊不知何將軍到此貪逍遙官軍昔催租下令嚴秋毫盡道征夫苦不惜畊人勞江東今喪敗千里空蕭條此地村人居不足容旌旄君見大敵勇莫但驚吾曹

此首是避亂餘波然亦正

見其亂也與前五首若相接若不相接有斷雲餘霞之妙分兩段前段十句寫潰兵之不戢後段十句嘆糜餉之無益○漢書武帝紀歸義越侯嚴爲戈船將軍臣瓚曰伍子胥書有戈船以載干戈因謂之戈船也杜詩泊船悲喜後又市橋官柳細詩勞人草草陸務觀詩村醪雜清濁韓詩行行事結束漢武帝詔蓋有非常之人禮仲夏行秋令則草木零落朱慶餘詩家家壁上有人弓刀北史崔儵傳性兼使氣三國志魏武志伯魚三娶孤女謂之搗婦翁退之原毀弱者怒於色矣李少卿答蘇武書益復無聊杜詩不知何王殿詩河上乎逍遙杜詩官軍鏹賊壕蘇詩水中照見催租癡杜詩法令如牛毛詩詵詵征夫李德新詩勸農元本是畊人史記項羽紀江東雖小揚子雲羽獵賦蕭條數千里外薛大拙詩瓠懸籬落似村居詩子子干旌子子干旌後漢書光武紀諸部喜曰劉將軍生平見小敵怯今見大敵勇甚可怪也晉書王衍曰吾曹雖不如古人

西田詩

梅村王烟客壽序兵興之後再闢西田于

距城十里之歸村又歸村躬耕記吾友王

烟客

太常治西田於歸涇之上去城西十有二

里崇禎初以廕

大清一統志

王時敏字遜之太倉人明

歷官太常卿

穿築倦人事田野得自然偶來北郭外學住西溪邊道

大習隱難地僻起衆傳而我忽相訪棹入菰蒲天落日

浮遠樹桑柘生微烟逕轉蹊路迷鳬鴨引我船香近聞

菱荷卧入花鮮妍人語出垂柳曲岸漁槎偏執手顧而

笑此乃吾西田長得君輩客野興同流連藉草傾一壺

聊以娛餘年

此首是初訪西田一段八句點出西田之遊二段六句就路說三段八句就太常說

○後漢書郭鎮傳移穿改築陶詩野外罕人事又復得返自然杜詩更尋北郭生按西田在太倉西門外北郭字借用廖扶事如梅花庵聯句北郭余偕隱也李義山詩近郭西溪好杜詩道大容無能又幽棲地僻經過少菰蒲見塗松晚發范彥龍詩江干遠樹浮謝元暉詩桑柘起寒烟淵明桃花源記遂迷不復得路蘇子由詩棹進鳬鴨亂莊子將杖拏而引其船孟詩潭香聞芰荷元詩佳色有鮮妍梁元帝詩垂柳復垂楊魏伯起詩添池曲岸平段成已詩爲煩嚴子借魚槎執手見贈願雲師顧而笑見松鼠世說排調篇夷甫無君輩客耶律晉卿詩白雲陪野興王詩藉草飯松屑陶詩傾壺絕餘瀝梁書忠壯世子傳一壺之酒足以養性金史徒單克寧傳幸陛下賜以餘年

其二

到此身世寬息心事樵牧舍南一團焦云以飯黃犢入

門沿長廊虛堂敞心目把卷倚新桐持杯泛南菊曲處
通簾櫳茶香具含蓄俄穿密室暗條遇清溪綠碧水開
紅蕖娟娟媚幽獨有鳥立層波垂翅清如玉對此不能
去溪光好留宿月照寒潭深經聲入寒竹徙倚良有悟

閒房道書讀

此首是西田前面中面之景曰入門曰曲處曰密室曰清溪層次歷歷如畫○身世

見贈願雲師

南史何點傳吾當望岫息心

晉書宣

帝紀樵牧自若

王烟客壽序雖居賜第游塵寰思從樵

牧自放

杜詩舍南舍北皆春水北齊書神武紀雖門

巷開廣堂宇崇麗其本所任團焦以石堊塗之留而不

毀

陸務觀詩陂塘晨飯犢黃犢見壽王鑑明

張平

子西京賦

長廊廣廡虛堂見松鼠孫興公遊天台山

賦恣心目之寥朗

蘇子由詩把卷靜中看世說王恭

嘗行散至京口射堂于時清露晨流新桐初引

宋延

清詩仙杯還泛菊杜詩南菊再逢人卧病常建詩曲
徑通幽處謝惠連詩升月照簾櫳元詩夢覺茶香熟
杜詩雷雨蔚含蓄晉書鳩摩羅什傳同閉密室李
詩清溪清我心岑參詩瓜田傍綠溪梁昭明太子詩
桂檝蘭橈浮碧水簡文帝詩紅葉間青鎖鮑詩娟娟
似蛾眉李詩浩然媚幽獨韓憑妻歌南山有鳥杜詩
層波白口中又青冥却垂翅詩其人如玉子建洛
神賦悵盤桓而不能去溪光見避亂許用晦詩重此
一畱宿謝靈運詩皎皎寒潭潔馬虞臣詩滿山猿
鳥會經聲鄭守愚詩一徑入寒竹司馬長卿長門賦
間徙倚于東廂兮陸士衡詩朗月
照閒房後漢書西域傳道書之流也

其三

別業多幽處探源更不窮堤沿密篠盡路細竹扉通石
罅枯泉過菖蒲間碧叢一亭壓溪頭魚藻如游空扁舟

更不繫出沒柳陰風小閣收平蕪良苗何雍容此綠詎

可回變化陰晴中隔岡見村舍曲背驅牛翁苦言官長

峻未敢休微躬樸陋矜詩書無乃與我同日落掩扉去

滿地桃花紅

此首是西田後面之景曰一亭曰小閣曰隔岡亦層次如畫○別業見遇劉雪舫幽

處見前首注

陸務觀詩塞裳探其源

劉孝綽詩方

塘交密篠

杜詩

石古細路行人稀祖詠詩山蟬噪竹

扉

王元之詩

泉乎未遇人石罅徒流送漢書耿恭傳

贊枯泉飛液

本草昌蒲九節仙家所珍梁簡文帝詩

倒流映碧叢

杜詩乾坤一草亭

詩魚在在藻柳子

厚小石潭記

潭中魚可百許頭皆若空游無所依莊

子汎若不繫之舟虛而遨遊者也

謝元暉詩出沒眺

樓雉

杜詩官橋帶柳陰

南史謝莊傳今之所止惟在

小閣高達夫詩春色滿平蕪

王仲宣詩良苗寔已揮

班孟堅兩都賦序雍容揄揚

西田記啟東軒則婁江

如畫面北窗則虞山如障顏之曰垂絲千尺曰綠畫

王詩陰晴衆壑殊

陸務觀詩參差村舍穿林出

柳

子厚詩驅牛向東阡

王景元詩哀歌送苦言杜詩徒

步翻憂官長怒

沈休文詩便欲休微躬

鮑詩日落

嶺雲歸梁書王錫傳掩扉覃思

李長吉詩桃花亂落如紅雨

陰陽割昏曉陰晴衆壑殊寫出岱宗太乙之高大此
緣詎可画二句亦所謂狀難寫之景如在目前者

其四

常言愛茅齋投老纔剪葺創置依舊圖新意出彷彿蒼
然一笠寒能添夕陽色細影懸晨光一一秋露滴卞生
工丹青妙手固誰匹山村貧無人取意先自適想像生
雲烟爲我開素壁了了見千峯可以攜手入道人十年

夢惆悵平生屐此地足卧游不負幽人室願以求長生

芝草堪采食

此首是既訪西田愛而畫之也分三段一段八句言依西田而為畫圖三段六句雙贊西田畫圖正是贊西

田也○茅齋見松鼠王介甫詩投老歸來一幅巾剪

茸見松鼠許仲晦詩創置舊圖棋勢盡唐書徐曠

傳乃出新意以折衷謝元暉詩平楚正蒼然陸務觀

詩一簣一笠生涯在詩度其夕陽江詩秋日懸清

光王文考景福殿賦晨光內照流景外延孟詩竹露

滴清響按卞生指卞潤甫侯考漢書蘇武傳丹青所

畫吳子華詩飛檄愈風知妙手齊書武帝紀英風獨

舉素王誰匹杜詩歸雲擁樹失山村晉書張翰傳

人生貴適意子建洛神賦遺情想像杜詩揮毫落紙

如雲烟又挂君高堂之素壁了了見贈蒼雪杜詩

雷聲忽送千峯雨按攜手入入畫中也智度論得

道者名曰道人張平子詩路遠莫致倚惆悵按此句

亦暗用阮孚一生著幾兩屐意南史宗炳傳名山恐

難遍睹惟澄懷觀道卧以遊之凡所遊履皆圖之于室

易幽人貞吉

許魯齋詩服食求長年

宋書符瑞

志芝草王者慈仁則生食之令人度世

按梅村每目妓曰生如卞生賽賽妓有晚生之類則卞生工丹青亦可指玉京道人然玉京傳止云能画蘭而已画中九友歌以卞文瑜潤甫爲第八所謂花龕巨幅千峯稠小景點出林塘幽是也卞生仍指潤甫爲允

哭志衍

梅村志衍傳志衍諱繼善姓吳氏寄園寄所寄成都知縣吳公繼善太倉人丁丑進

士

予始年十四與君蚤同學君獨許我文謂伴古人作長揖謝時輩自比管與樂彊記矜絕倫讀書取大畧家世

攻春秋訓詁苦穿鑿君撮諸家長弗受專門縛卽子之
太公亦未相然諾高譚羣兒驚健筆小儒忤長途馭二
龍崇霄翔一鶚遂使天下士咸奉吾徒約詞塲忝兩吳

篋衍集作

相與爲犄角

此序已與志衍少同學而長齊名也志衍之彊記通經只帶序

添兩吳非

○阮詩昔年十四五

志衍傳予年十四識志衍志衍長

於予三歲

同學見贈蒼雪

退之與李翊書將斬至

於古之立言者耶

左太冲詩

長揖歸田廬漢書竇章

傳收進時輩

三國志諸葛亮傳每自比於管仲樂毅

又王粲傳其彊記默識如此漢書匡衡傳經學絕倫

魏畧諸葛亮在荊州與潁川石廣元徐元直汝南孟

公威等俱遊學而亮獨觀其大畧

志衍傳家本春秋

治三傳

後漢書陳元傳元少傳父業爲之訓詁漢書

禮樂志以意穿鑿

又賈誼傳頗通諸家之書

又夏

侯勝傳從父子建字長卿自潁門名經

史記齊世家

吾太公望子久矣〔又張耳傳不侵為然諾者也〕〔馮

敬通與田邑書申眉高談無愧天下〕〔漢書霍光傳羣兒

自相貴耳〕〔杜詩〕健筆凌鸚鵡〔夏侯勝傳〕章句小儒破

碎大道〕〔三國志劉繇傳〕馭二龍於長途〕〔漢書鄒陽

傳〕驚鳥累百不如一鶚〕〔杜詩〕詞場竟疏濶〔按兩吳謂已與

志衍也〕〔角〕煌煌張夫子斯文紹濂洛五經叩鐘鏞

見臨江軍〕

百家垂矩矱海內走其門鞍馬填城郭雲間數陳夏餘

子多磊落反騷擬三湘作賦誇五柞此序張西銘主盟

之盛〕〔詩〕明星煌煌志衍傳天如師以古學振東南海

內能文家聞其風者靡然而至〕〔明史文苑傳〕張溥字天

如太倉人與同里張采共學齊名相與復古學名其文

社曰復社四方噉名者爭走其門〕〔宋史道學傳〕周敦

頤字茂叔道州人以疾求知南康軍因家廬山蓮花峯

下前有溪合於湓江取營道所居濂溪以名之程顥字

伯淳世居中山後從開封徙河南邵雍字堯夫其先范
陽人三十游河南葬其親伊水上遂爲河南人士之道
洛者有不之公府必之雍禮善待問者如撞鐘叩之
以小者則小鳴叩之以大者則大鳴廣韻鑪大鐘也
太史公自序整齊百家雜語離騷求矩矱之所同
詩鞍馬光照地班孟堅西都賦闔城溢郭注闔滿也與
填同大清一統志松江府地名雲間明史陳子龍
傳字卧子松江華亭人夏允彝傳字彞仲東林講席盛
蘇州高才生張溥楊廷樞等慕之結文會名復社允彝
與同邑陳子龍徐孚遠王光承等亦結幾社相應和
磊落見臨江叅軍漢書揚雄傳往往據離騷文而反
之自岷山投諸江流以弔屈原名曰反離騷寰宇記湘
潭湘鄉湘源是爲三湘揚子雲長楊賦振師五柞
習馬長楊元和志五柞宮在盩厔縣東南三十八里君
也游其間才大資磨斲詩篇口自哦書記手頻削冠蓋
傾東南虛懷事酬酢射策長安城驄馬黃金絡年少交

公卿才智森噴薄

此序志衍入復社及成進士之事○杜詩才大今詩伯韓聯句詩左右皆

礪斲

陸務觀詩詩成更白哦

三國志王粲等傳元

瑜書記

翩翩致足樂也漢書原涉傳

削牘為疏

史記

平準書

冠蓋相屬於道易東南得朋

杜詩虛懷只愛

才酬酢見贈願雲師

書桓榮傳

典舉高第拜侍御史常乘驄馬

鮑詩驄馬金

絡頭

史記賈生傳賈生年少

杜詩噴薄漲巖幽

會值里中兒飛文肆謠詠

要路示指蹤黨人罹矰繳君

也念急難疎通暗籌度陰落其機牙用意于莫覺逡巡

白衣奏停止黃門獄

原註叶

此序陸文聲等訐奏復

哭志衍中序復社之獄即此○漢書酈食其傳沛公麾

下騎士適食其里中子又高祖紀發沛中兒得百二十

人後漢書蔡邕傳程璜使人飛章言邕楚辭謠詠謂

予以善淫古詩先據要路津史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

史記蕭相國世家發蹤

指示獸處者人也又留侯世家雖有增繳黨人詳讀
史雜詩第一首急難見讀西臺記禮疏通知遠書
教也後漢書張衡傳其牙機巧制皆隱在尊中論
衡聖賢下筆造文用意詳審賈生過秦論逡巡遁逃
而不敢進通典進士科始隋大業中盛貞觀永徽之際
其推重謂之白衣卿相以白衣之士即卿相之資也按
白衣奏疑志衍於得第後有所奏陳耳後漢書百官
志中宮黃門冗從僕射一人六百石按此以漢黨錮之
獄比明復社之獄也明史張溥傳里人陸文聲者輸貲
為監生求入社不許采又嘗以事扶之文聲詣闕言溥
采為主盟倡復社亂天下溫體仁方枋國嚴旨窮究不
已至十四年溥已卒而事猶未竟刑部侍郎蔡奕琛坐
黨薛國觀繫獄未知溥卒也許溥遥握朝權已罪由溥
因言采結黨亂政詔責溥采回奏當是時體仁已前罷
繼者張至發薛國觀皆不喜東林及是至發國觀亦相
繼罷而周延儒當國溥座主也其獲再相溥有力焉故
采疏上事即得解志衍傳其成進士也會里中兒刊章
告密天如師為所構勢張甚志衍銳身為營救卒以免

按後漢書酈炎詩終居天下宰食此萬鐘祿德音流千載功名重山岳曹責躬詩願蒙矢石建旗東嶽庶立毫釐微功自贖是嶽可叶解褐未赴官歸來卧林壑賓客獄此詩則以獄叶獄也

益輻輳聲華日昭灼生徒丐譚論文史供揚摧貧賤諸

故人慰存餽衣藥躡履修起居小心見誠恪重氣徇長

者往往捐囊橐

此序志衍歸里後好客論文篤於故舊之事○北史杜正藏傳後生實而行之

多資以解褐志衍傳已得慈溪令母夫人喪未之任

謝靈運詩林壑歛暝色漢書原涉傳賓客慕之輻輳

楊炯詩聲華周百億文心雕龍昭灼以述文生徒

見壽王鑑明漢書東方朔傳三冬文史足用漢書序

傳揚摧古今孔叢子子思自齊反衛衛君館而問曰

步玉趾而慰存之願有賜於寡人也唐書盧照鄰傳時

時供衣藥晉書郗超傳王獻之兄弟自超未亡常躡

履問訊書出入起居張平子西京賦輕死重氣結黨

連羣史記衛綰傳綰長者

詩于橐于囊

志衍傳父

黨造門必躡履問起居中表故舊及所游門下士一旦

請緩急未嘗

以不足爲解

君家夙貴盛朱門飾華楸壘石開櫺軒張

燈透簾幕唱曲李延年俳弄黃幡綽舞席間毬場池館

花漠漠兄弟四五人會讌騰觚爵鹽豉下魚羹椒蘭糝

鳧臠每具十人饌中厨炊香穉客從遠方來咄嗟辦脾

臠昨宵已中酒命飲仍大醺

原注

而我過其家性不勝

杯杓小戶不足糾引滿狂笑噓卷波喝遣輸射覆猜須

着狎侮座上人鬪捷貪諧謔警速誰能酬自喜看跳躍

堅坐聽其言乃獨無差錯親疎與長幼語語存斟酌性

厭禮法儒拘忌何齷齪風儀甚瓌偉衣冠偏落拓有時
不簪巾散髮忘盥濯中夜鬪歌呼分曹縱蒲博百萬一

擲輸放意長自若絕叫忽成盧衆手忽歛却

此敘志衍池館游讌

之盛又復多才多藝也而我過其家堅坐聽其言用夾

序法○魏書馮聿傳君家富貴太盛史記蔡澤傳而君

之祿位貴盛世說竺法深曰君自見其朱門貧道如

游蓬戶韓詩於此蔭華栢按壘石當如漢書韓安國

傳累石爲城之累曹詩流焱激櫺軒李詩張燈宴花

池簾幕見松鼠輟畊錄唱曲門戶有小唱寸唱慢唱

壇唱史記佞幸傳李延年中山人也善歌急就篇倡

優俳笑漢書司馬遷傳固主上所戲弄倡優畜之樂府

雜錄開元中優人有黃幡綽張野狐諸人梁元帝詩

樹交臨舞席唐國史補憲宗問趙相宗儒曰人言卿在

荊州毬場草生何也岑參詩愛君池館幽謝元暉詩

生烟紛漠漠古樂府兄弟四五人傳武仲舞賦騰

觚爵之斟酌兮世說陸機云有千里草羹但未下鹽
鼓耳杜牧之阿房宮賦焚椒蘭也崔亭伯博徒論牛
臠羊膾炙雁煮鳧南史劉穆之傳旦輒爲十人饌
晉書陸納傳勅中厨設精饌韓詩汲冷積香稱古詩
飲馬長城窟行客從遠方來晉書石崇傳爲客作豆
粥咄嗟便辦詩嘉穀脾臄漢書樊噲傳注張晏曰中
酒酒酣也師古曰飲酒之中也不醉不醒故謂之中中
音竹仲反漢書郭解傳與人飲使之醺注盡爵曰醺
史記項羽紀沛公不勝杯杓志衍傳性好客日具數
人饌賓至者無貴賤皆與均又予口不識杯鎗延漏
錄凡飲以一人爲錄事以糾坐人須擇有飲材者材有
三謂善令知音大戶也杜彥之詩酒寒無小戶請酌滿
行杯陶詩引滿更獻酬漢書序傳談笑大噓白詩
鞍馬呼教任骰盤喝遣輪長驅波卷白連擲采成盧
漢書東方朔傳上嘗使諸數家射覆注于覆器之下而
置諸物令闇射之故云射覆史記高祖紀因狎侮諸
客遂坐上坐莊子必將乘人而鬪其捷晉書顧愷之
傳好諧謔漢書竇嬰傳魏其沾沾自喜耳玉篇躍跳

躍也〔杜詩〕堅坐看君傾〔史記〕司馬相如傳〔紛〕湛湛其差錯兮〔漢書〕陳遵傳〔書〕數百封〔親疎〕各有〔意〕國

語而後王斟酌焉〔嵇叔夜〕絕交書〔至為〕禮法之士所

繩疾之如仇讐〔後漢書〕方術傳〔論〕使人拘而多忌〔鮑詩〕小人自齷齪〔志〕衍傳〔仇爽〕曠達耻為小節〔苛禮〕五

代史〔劉煦傳〕為人美風儀〔晉書〕郤詵傳〔環〕偉倜儻不拘

細行〔字典〕環同瑰〔北史〕楊素傳〔少〕落拓有大志〔庚詩〕山中簪筍皮〔後漢書〕袁閎傳〔遂〕散髮絕世〔韓詩〕盟

濯陶瓦〔史記〕李斯傳〔而〕歌呼嗚嗚快耳目者〔楚辭〕

分曹並進〔蒲博〕見遇〔劉雪〕舫〔南史〕宋武帝紀〔劉毅〕家

無擔石之儲〔樗蒲〕一擲百萬〔杜詩〕放意何自若〔晉書〕劉毅傳〔四子〕俱黑〔一子〕轉躍未定〔劉裕〕厲聲喝之〔即〕

成廬焉〔後漢書〕鮑永傳〔貴戚〕且宜歛手以避〔二鮑〕志

衍傳〔樗蒲〕六博彈琴蹴鞠無不畢解〔又〕白擲劇飲與人

決度不止〔男兒〕須作健清談兼馬稍犯雪披輕衫笑予爾

勝不止〔男兒〕須作健清談兼馬稍犯雪披輕衫笑予爾

何弱嘗登黃山顛飛步臨峭嶢下有萬仞潭徒侶愁失

何弱嘗登黃山顛飛步臨峭嶢下有萬仞潭徒侶愁失

何弱嘗登黃山顛飛步臨峭嶢下有萬仞潭徒侶愁失

何弱嘗登黃山顛飛步臨峭嶢下有萬仞潭徒侶愁失

脚搔首凌雲烟翹足傲衡霍顧予石城頭橫覽浮大白

原注

慷慨天下事風塵慘河朔諸將擁重兵養寇飽鹵

掠背後若有節此輩急斬斫自請五千騎一舉殲首惡

餘黨皆吾人散使歸畊穫卽今朝政亂舉錯混淆濁君

父切邊疆羣臣私帷幄當官不彈治何以司封駁對仗

劾三公正色吐謇諤

此序志衍之意氣過人有澄清宇

城頭又以已夾序

○古今喻歌男兒欲作健

南史柳

世隆傳

嘗自云馬稍第一清談第二

韓詩犯雪過西

華白詩

輕衫細馬春年少

一統志黃山在徽州府歙

縣西北

志衍傳

嘗游黃山凌躡險絕同遊者不能從焉

孫興公

遊天台山賦

陟峭嶠之崢嶸

馬季長長笛

賦臨萬仞

之石磈

寰宇記黃山高一千七十丈豐樂水

出焉失脚見贈願雲師詩搔首踟躕高義方詩抗

志凌雲後漢書陳球傳天下太平可翹足而待郭景

純江賦衡霍磊落以連鎮一統志石頭城在上元縣

西石頭山後漢建安十六年孫權徙治秣陵明年城石

頭說苑魏文侯與大夫飲使公乘不仁爲觴政曰飲

不盡者浮以大白珊瑚詩話飲酒痛醕謂之舉白冷齊

夜話卷白波酒令名起於東漢擒白波賊按白叶音薄

詩裳裳者華或黃或白我觀之子乘其四駱唐書杜

甫傳慷慨懷古人莫測也又好論天下大事高而不切

杜詩河朔風塵起史記淮陰侯傳諸將易得耳後

漢書獻帝紀州郡各擁重兵宋史陳過庭傳致寇者

蔡京養寇者王黼韓聯句詩將軍禁虜掠周禮地官

凡通達于天下者必有節以傳輔之明史輿服志洪武

十五年製使節黃色三簷寶蓋長二尺黃紗袋籠之又

製丹漆架一以節置其上晉書衛瓘傳便皆斬斫蔡

氏書傳斫斫也後漢書臧宮傳願得五千騎以立功

史記留侯世家一舉千里公羊傳虞首惡也三國志

呂蒙傳誅其首惡餘皆釋放復爲平民唐書裴度傳元

惡已擒人皆吾人也韓詩終當返咻獲杜詩窮年守邊疆明史流賊傳論幃幄無良平之謀左傳文十六年當官而行何強之有漢書張敞傳且當以枉後惠文彈治之耳注秦時獄法吏冠枉後惠文王守溪震澤長語給事中雖七品而有封駁之權唐書王義方傳卽具法冠對仗叱義府下又宗楚客傳故事大臣爲御史對仗彈劾必趨出立朝堂待罪書正色率下後漢書陳蕃傳蕃愕之操華首彌固注愕同愕又戴憑傳臣無謬謬之節而有狂瞽之言此志竟述邇天道何窮剝六載養邱

園一官落邛笮大盜竊江黃兇徒塞荆鄂間道攜妻孥

吹途走蠻貉瘴黑箐林行颼作瀘溪泊驛路出桄榔侯

吏疑猿猱歇鞍到平地倏逢錦城樂問士先嚴揚恤民

及程卓白鹽古戍烽赤甲嚴關析

集作赤脚今從篋衍集作甲此序志衍

值寇亂之時為成都令也○杜詩此意竟蕭條迺見

贈願雲師周易本義剝落也易賁于邱園左傳

襄三年建一官而三物成史記司馬相如傳邛笮之君

長按漢書地理志越雋郡有邛都定笮笮秦大笮等縣

今屬邛州明史地理志邛州東北距布政司三百里

莊子大盜不止按江九江府黃黃州府地理通釋漢九

江郡本在江北而今所謂江州者寔武昌郡之柴桑縣

後以江北之潯陽並柴桑而立郡又自江北徙治江南

以故江南得有潯陽之名後又因潯陽而改為江州寔

非古江州地也梁書王僧辯傳景悉克徒水步繼進

按荊荊州府鄂武昌府史記淮陰侯傳從間道草山

而望趙軍抱朴子猶不失正而改途焉周禮四夷八

蠻七閩九貉柳子厚詩桂嶺瘴來雲似墨東坡有

颶風賦一統志寧遠府箐口堡在塩源縣東十里明塩

井衛瀘川驛在西昌縣東南五里明建昌衛瀘津關在

會理州東南為南蠻要路明會川衛文選蜀都賦注

枕榔樹名也木中有屑如麪可食後漢書王霸傳候

吏果妄語也說文攬大母猿也中華古今注猿五百年

化為獾〔李詩〕歇鞍憇古木〔杜詩〕日脚下平地〔李詩〕

錦城雖云樂〔元和郡國志〕錦城在成都縣南十里故錦

官城也〔志〕衍傳其後乃得蜀之成都成都在萬里外又

荆襄陷沒江鄂道斷復改途出宜春道酉陽涉黔江而

入蜀〔中說〕吾得從嚴揚游泳以卒世何患乎〔按〕嚴

揚嚴遵揚雄〔程卓程鄭卓王孫也〕皆蜀人〔一統志〕

白塩山在夔州府奉節縣東〔王詩〕野花開古戍〔一統志〕

統志赤甲山在奉節縣東〔杜詩〕赤甲白塩俱刺天〔一再〕

拜蜀王書流涕傾葵藿請府發千金三軍賜醕醢賓旅

給犀渠叟兵配駟駱此地俯中原巨靈司鎖鑰水櫃扼

涪江石門防劒閣〔此序志〕衍因寇亂而上書蜀王也〔漢書王式傳〕未嘗

不流涕為王深陳之也〔三國志曹植傳〕葵藿之傾葉太

陽雖不為之回光然向之者誠也〔韓聯句詩〕市海醕

醢〔國語〕奉文犀之渠〔注〕甲也〔山海經〕犀渠出釐山如

牛蒼身其音如嬰兒是食人〔後漢書劉焉傳〕遣叟兵

下

五千助之

注

漢世謂蜀為叟韓聯句詩長河浴駟駘

張平子西京賦

巨靈鼎屬

注

巨靈河神也宋史寇準傳

朝廷以北門鎖鑰非準不可

又

太祖紀建隆二年二

月幸城南觀修水匱

按一統志

鐵櫃山在涪州北又大

江入涪州界又九十里至州城北涪陵江自南來注之

左太冲蜀都賦

緣以劍閣阻以石門

注

石門谷名水

經注

小劍戍北去大劍三十里連

我謀適不用岷峨氣

山絕險飛閣相通故謂之劍閣也

蕭索黑山起張燕青城突莊蹻積甲峨眉平飲馬瞿塘

涸生民為菹藪醜類恣啖嚼徒行值虎豹同事皆燕雀

孤城遂摧陷狂刀乃屠膊

篋衍集作狂刀

此序蜀王

不從志衍之計以致成都破

而志衍死也

○

左傳

文十三年吾謀適不用也

齊書

孔稚圭傳

徵犀甲於岷峩

文通別賦

秋日蕭索志衍傳

即日啟蜀王請發帑金為備禦計王郊不應緩寇紀畧

成都令吳繼善濶達有謀見賊據秦蹂楚而北都之問

成

都

令

吳繼善濶達有謀見賊據秦蹂楚而北都之問

不至痛哭於蜀王之朝以書諫終弗從五月而審知國
信七月而夔門傳賊遽至成都一日數驚夜呼日闖至
矣明日又呼日獻至矣王不知所為謀以其宮人遜於
荒富家亦從孥以出劉之勃持不可乃已八月四日獻
忠傳城下王始出其金懸之市購戰守者莫應賊攻圍
三日夜以巨礮穴城東北陬而震之城崩遂乘以入王
遇害之勃罵賊死繼善閤門死者三十六人三國志
張燕常山真定人也合聚少年為羣盜眾至百萬號曰
黑山一統志青城山在成都府灌縣西南史記西南
夷傳始楚威王時使將軍莊躋將兵循江上畧巴蜀黔
中以西會秦擊奪楚巴黔中郡道塞不通因以其眾王
滇後漢書劉盆子傳積兵甲宜陽城西與熊耳山齊
一統志我眉在嘉定府我眉縣有大我中我小我三山
古樂府有飲馬長城窟行一統志瞿塘峽在夔州府
奉節縣東張平子七辯嘉肴雜醢三鸞七菹周禮天
官醢人注鸞亦醢也有骨為鸞無骨為醢鸞音泥詩
執訊獲醜韓詩逆族相啗嚼史記陳涉世家燕雀安
知鴻鵠之志哉杜詩孤城隱霧深南史宋武帝紀軍

中多萬鈞神弩所至無不摧陷

漢書王莽傳為狂刃所害

有子踰十齡艱難孰顧

托閤門竟同殉覆卵無完殼一弟漏刃歸兩踝見芒屨

三峽奔荆門魚龍食魂魄

原注

夢斷落滄江毋乃遭搏

攫郢筒千日酒泉路無寂寞

此序志衍之閤門殉義惟一弟得生還也○志衍傳

有子曰孫慈賊將憐而匿之後亦遇害

北史元胄傳

隋文帝初被召入將受顧託

晉書平原王幹傳合門

堙滅

後漢書孔融傳安有巢毀而卵不破乎

魏書

刁雙傳

我兄弟屠滅已盡惟我一身漏刃相託志衍傳

越三年其弟事衍徒跣萬里望家而哭曰吾兄以甲申

十一月二十五日遇害罵不絕口賊斮而割之一門四

十餘人同日併命

晉書孫拯傳兩踝骨見芒屨見贈

願雲師

王少伯詩行到荆門上三峽按夔之三峽奉

節縣則瞿塘峽南鄉峽巫山縣則巫峽也重慶府亦有

三峽與此不同荆門州明初屬荊州府後屬承天府今

屬安陸府

按魚龍食魂魄三句卽水深波瀾濶無使

蛟龍得之意

左傳疏附形之靈爲魄附氣之神爲魂按

落魄之魄他各切音托在藥韵魂魄之魄普伯切音拍

在陌韵今以他各通音伯故曰叶

滄江見讀西臺記

禮儒行疏

以脚取之謂之攫以翼取之謂之搏

都古今記

耶人剝竹之大者傾春釀於筒苞以藕絲蔽

以蕉葉信宿馨香達於林外然後斷之以獻俗號耶筒

酒珊瑚詩話酒有若下謂鳥程也千日中山也

陸士

衡大暮賦

悲泉路之翳

追計平生歡一一猶如昨壁間

翳杜詩

寂寞身後事

所懸琴臨行彈別鶴玉子文楸枰尙記爭殘着百架藏

圖書千金入卷握刻意工丹青雲山共綿邈篋中白團

扇玉墜魚鰾潯阿兄風流盡萬事俱零落我欲收君骨

茫茫隔山嶽

此從志衍旣死以後而追憶生前不勝人琴之慟也阿兄四句呼而哭之○史記張

耳陳餘傳如平生歡何仲言詩念別猶如昨梅村

贈琴者王生序在時予兄志衍好琴能詩文善書畫奕

棋居能品琴操商陵牧子娶妻五年無子父兄欲為

改娶牧子援琴鼓之以舒其憤懣曰別鶴操杜陽雜

編大中中日本國王子來朝出楸玉局冷暖玉棋子

圖書見松鼠按詞人以千金比書畫者多矣皆起於

史記呂不韋傳有能增損一字者予千金後漢書張堪

傳捲握之物足富十世丹青見西田詩李頎詩雲

山況是客中過晉書天文志年代綿邈班婕妤好團扇

詩弃捐篋笥中嵇叔夜詩魚龍澆濁南齊書張緒

傳從弟融齋酒於緒靈前酌飲慟哭曰何兄風流頓盡

曹詩零落歸山邱收骨見臨江叅軍杜詩明日

隔山岳世後來識死事良史曾誰確此詩傳巴中磨崖

事雨茫茫

書卓犖石剝蒼藤纏姓氏猶捫摸庶幾千載後悲風入

寥廓

此序作詩表揚死事之意○國語以死勤事則祀

左傳昭十二年是良史也

一統志四川表

漢巴郡重慶府巴西郡保寧府巴東郡夔州府墨池

編唐元結作中興頌顏真卿書勒於涪溪崖石名摩崖

碑左太冲詩卓犖觀羣書說文剝裂也增韻剝脫也

杜詩古木蒼藤日月昏王詩絕壁免捫摸古詩白

楊多悲風揚子雲甘泉賦閱閭閻其寥廓兮

按志衍之死明史及大清一統志俱不載寄園

寄所寄書其殉寇亦從畧焉而梅村此詩表揚推闡

不遺餘力又有送志衍入蜀題志衍所畫山水觀蜀

鵬啼劇詩皆低徊往復情見乎辭綏寇紀畧所載綦

詳幾欲補史家之缺矣同時華陽知縣沈雲祚亦太

倉人先死難史志并載之梅村詩中竟未咏及何歟

卽子之太公亦未相然諾驟閱之頗以爲異然細

釋之是暗用漢書劉歆傳耳宣帝時詔向受穀梁春

秋大明習及歆校秘書見古文春秋左氏傳大好之

父子俱好歆以爲左邱明好惡與聖人同親見夫子

而公羊穀梁在七十子後傳聞之與親見之其詳畧

不同歆數以難向向不能非間也然猶自持其穀梁

義此詩從家世攻春秋說下正與向歆傳合而未相
然諾卽數以難向猶自持義云耳梅村豈以子戲父
者沈受宏字台臣贈吳事衍詩先生延陵老子孫
婁江科第推高門名流冠蓋世雖換豪士風流今尙
存憶昔從兄宦錦水芒鞋繭足荆棘裏百口長悲殉
亂離一身何幸還鄉里草堂絲管秋風寒譜出新聲
行路難共傳顧曲周公瑾誰識哀時庾子山三十年
來頭已白蕭然放散江湖客博塲酒社共追歡畫筆
棋枰兼負癖西南近日羽書傳重見公孫躍馬年人
間多少滄桑事付與先生一醉眠此卽志衍之弟漏
刃而歸者也按太倉州志徐繼善志衍本姓吳丁丑
進士許國杰人嘏本姓吳繼善弟予旣以陳蕃傳
之謬愕注謬誤矣偶讀顧亭林與彥和甥書節錄之
以資談柄楚辭離騷余固知謬謬之爲患兮忍而不
能舍也此謬字之所出也史記商君傳千人之諾諾
不如一士之謬謬武王謬謬以昌殷紂墨墨以亡此
謬字之所出也玉墜魚鰾潏與宮扇詩玉墜雙魚
泣漢家引用畧同按李絢戎幕閒談李迪於地上見

一玉魚西湖志錢塘遺事高宗嘗宴大臣忽見張循王持一扇有玉孩兒扇墜皆唐宋之事並與詩意不合俟再考按尤展成明史擬稿沈雲祚傳論曰吾聞獻賊破蜀時有成都令某雲祚同里人也賊脅之降升為禮部尚書既以郊天祭文失格復殺之閤家殲焉傳聞異辭附錄於此

閬州行

原注贈楊學博爾緒川保寧府唐先天二年曰閬州

禮君子之

學也博按近世稱廣文為學博蓋本於通典唐府郡置經學博士又按一統志楊繼生字爾叙閬中人順治初由進士知福建連江縣丙申寇至城陷繼生死之妻劉氏同日殉節若爾敘即爾緒則是爾緒官閩越與詩中老親遷官向閩越不合鎮洋縣志廣文楊繼生蜀人年少領鄉薦遊京師國初秉鐸吾州是時蜀方亂楊之妻子皆在蜀已無可奈何矣而婁之盛泰昭方釋褐令陝之畧陽畧陽故蜀之襟喉楊以杯酒屬之曰倘至彼中得吾家消息勿靳片鴻盛領

之赴任後偶以事出見一婦人削匐道左物色之果楊先生婦也卽飛書廣文婦則嚙落二指作書裹之以寄楊得之慟卽以金授來足使其僦車南下會南宮期近楊束裝且北舟至京口有舟歛然而南詢之則楊夫人也相失十餘年而猝遇於兩舟之偶觸于是相持大慟謝諸同行者偕夫人而南自此亦不復應公車据縣志所載與梅村詩合然爾敘以進士令連江則非不應公車者矣丙申爲順治十三年此詩蓋作於丙申以前爾敘官廣文時同年翁指爾敘之父官閩越亦指爾敘之父君爲愛子則指爾敘而言也縣志因爾敘于赴公車時遇劉而返故以不復應公車作點染耳

四坐且勿喧聽吾歌閬州閬州天下勝十二錦屏樓歌

舞巴渝盛江山士女游

六句從閬州說起士女字暗引楊劉在有意無意之間○陸士

衡詩四坐並清聽聽我歌吳趨鮑詩四坐且莫喧聽我

堂上歌〔杜詩〕閬州城南天下稀〔一統志〕閬中山在

閬中縣南一名錦屏山又閬苑在閬中縣西故城內中

有五城唐宋德之爲守又建碧玉樓於西城之西南隅

亦名十二樓〔後漢書〕西南夷傳閬中有渝水其人多

居水左右俗喜歌舞高祖觀之乃命樂人習之所謂巴

渝舞也〔詩〕我有同年翁閬中舊鄉縣送客蒼溪船讀

維士與女

書玉臺觀忽乘相如車謂受文翁薦

〔從爾緒父說起〕

年〔三國志〕盧毓傳帝以譙舊鄉

〔杜詩〕送客蒼溪縣

〔一統志〕蒼溪縣在保寧府西北四十里

〔杜詩〕讀書雲

閣觀〔一統志〕玉臺觀在閬中縣北玉臺山上唐滕王元

嬰建〔成都記〕司馬相如初西去過昇仙橋題柱曰不

乘高車駟馬不過此橋〔漢書〕循吏傳文翁廬江舒人

也景帝末爲蜀郡守選郡縣小吏開敏有材者詣京師

受業博士用次察舉官有至郡守刺

史者〔戒菴漫筆〕文翁姓名黨字仲翁游宦非不歸十載

成都亂只君為愛子相思不相見相見隔長安干戈徒

步難金牛盤七坂鐵馬斷千山

八句言蜀中亂而長安隔是楊與劉別之由○

史記張蒼傳韋元成復自游宦而起

四川布政司治

左傳宣二年趙盾請以括為公族曰

君姬氏之愛子也

范彥龍詩如何有所思而無相見

時

一統志長安故城在今西安府長安縣西北

漢書公孫宏傳起徒步數年至宰相

一統志五丁山在

漢中府寧羌州東北四十里其峽曰五丁峽亦曰金牛

峽又七盤嶺在保寧府廣元縣北一百七十里與陝西

寧羌州接界

陸佐公石闕銘鐵馬千羣千山見贈願

雲

師敢辭道路艱早向妻兒訣一身上鳥道全家傍虎穴

君自為尊章豈得顧妻子分攜各努力妾當為君死

八句

是訣別正面見劉能相夫以孝也○

諸葛孔明帖師徒

遠涉道路甚艱

韓詩妻兒恐我生悵望

南中八志

鳥道四百里以其險絕特上有飛鳥之道耳虎穴出
後漢書班超傳王詩虎穴傍簷楹漢書廣川王傳背
尊章漂以忽師古曰尊章謂舅姑也章同嫜漢書邳
都傳終不顧妻子矣分攜見贈願雲師李少卿詩努
力崇明德喬知之
詩一代紅顏為君盡
淒淒復切切苦語不能答好寄武

昌書莫買秦淮妾巴水急若箭巴船去如葉兩岸蒼崖

高孤帆望中沒

八句是訣別餘情見其悵望之久也○

贈願雲師

一統志武昌府湖北布政使司治

又秦

淮源自溧水縣北經上元縣東南入通濟門橫貫江寧

府城中西出江寧縣三山水門又西北入大江晉陽秋

秦時所鑿故曰秦淮

南之大巴嶺南流入保寧府界李詩巴水急如箭巴船

去若飛白詩波上一葉舟蒼崖見臨江叅軍陳伯

玉詩孤帆

出霧中

二月到漢口三月下揚州揚州花月地烽火

長詩集

卷一下

三

似邊頭驛路逢老親遷官向閩越謂逼公車期蚤看長

安月再拜不忍去趣使嚴裝發河山一朝異復作宅鄉

別

十二句言爾緒棄家尋親又奉親命赴京適逢世變也

一統志

漢口渡在漢陽府漢陽縣東北

又揚

州在江蘇布政司西北四百四十五里

李詩烟花三月下揚州杜詩花月窮遊宴又烽火連三月又邊頭

公卿仍獨驕

李詩

驛路西連蜀北門岑參詩高堂有

老親

遷官見臨江叅軍史記韓長孺傳閩越東越相

攻後漢書丁鴻傳注公車署名諸待詔者皆居以待

命王詩

薦士滿公車白詩為問長安月後漢書清

河王慶傳常夜分嚴裝史記商君傳秦據河

山之固陶詩忽值山河改庾詩到在他鄉別

別後竟

何如飄零少定居愁中鄉信斷不敢望來書盡道是葭

萌殺人滿川陸積屍戕媚平千村惟鬼哭

八句言音書斷絕正是宅

斷絕正是宅

斷絕正是宅

萌殺人滿川陸積屍戕媚平千村惟鬼哭

八句言音書斷絕正是宅

鄉別之苦境而以盡道是引起下文客有自秦關殺人
鬼哭又引起下文骨肉拋棄彼蒼何酷等語○飄零見
遇劉雪舫詩豈敢定居杜詩兵甲少來書一統志
葭萌廢縣在保寧府昭化縣南陸士衡詩川陸殊塗
軌峩眉見哭志衍杜詩千村萬
落生荆杞漢書天文志鬼哭若諱客有自秦關傳言

且悲喜來時聞君婦貞心視江水江水流不極猿聲哀

豈聞將書封斷指血淚染羅裙八句于客言中旁寫劉之貞于書中正寫劉之

貞是作詩本意歸重處○張茂先詩鳳起出秦關禮

妥而後傳言杜詩泊船悲喜後何敬祖遊仙詩志士

懷貞心左傳僖二十四年所不與舅氏同心者有如白

水楚辭使江水兮安流詩豈曰不極張道濟詩古

戍猿夜哀唐書張巡傳因拔佩刀斷指

陸士衡詩血淚彷徨白詩與君南宅染羅裙五內爲崩

摧買舟急迎取相逢惟一慟不料吾見汝拭眼問舅姑

雲山復何處淚盡日南天死生不相遇

八句言楊與劉亂後相見而劉

以不見舅姑為恨也○蔡文姬詩見此崩五內又胸臆為摧敗朱子詩買舟至西郭古詩還必相迎取樂

府有相逢行晉書王戎傳若使一慟能傷人濬冲不免滅性之譏也按拭眼如公羊傳反袂拭面之拭杜詩

雖無舅姑事雲山見哭志衍李詩淚盡日南珠一統志交趾日南九真即今安南國地宋延清詩雲斷日

南天汝有親弟兄提攜思共濟姊妹四五人扶持結衣袂

懷裏孤雛癡啼呼不知避失散倉皇間骨肉都拋棄

八句

言劉以不見骨肉為恨也先舅姑次兄弟次姊妹次孤

雛立言有體合上段相逢惟一慟六句俱是劉語○更

記張儀傳而親昆弟漢書韓安國傳雖有親兄古焦仲

卿妻詩我有親父兄禮長者與之提攜國語于人共

濟而已杜詩路難思共濟爾雅男子謂女子先生為

姊後生為妹禮或先或後而敬扶持之魏文帝詩妻

子牽衣袂〔古樂府〕孤雛攀樹鳴悠悠被蒼天於人

倉皇見避亂

〔禮〕骨肉之親無絕也

抑何酷城中十萬戶白骨滿崖谷官軍收成都千里見

榛莽設官尹猿猱半以飼豺虎尙道是閬州此地差安

堵民少官則多莫恤蜀人苦

此段因爾緒之骨肉拋棄而并悲全蜀也點出閬州

暗引下段令人不覺○詩悠悠蒼天

〔杜詩〕城中十萬戶

白骨出國語〔王仲宣詩〕白骨蔽平原〔唐書〕韋臯傳

墜死崖谷不可計

杜有聞官軍收河南河北詩

〔唐〕

書馬燧傳命除榛莽

猿猱見松風攀援注

〔詩〕投諸

豺虎

〔史記〕田單傳令安堵

〔隋書〕

楊尙希傳

所謂民少官多十羊九牧

淒涼漢祖廟寂寞

滕王臺子規叫夜月城郭生蒿萊只有嘉陵江江聲自

浩浩我欲竟此曲流涕不復道

此段從全蜀歸到閬州所以謂之閬州行也與

吳詩集覽

卷一

七

起處一段相應○李詩覽古情淒涼一統志漢高帝廟在閬中縣南十數里又滕王亭在閬中北玉臺山上

唐滕王元嬰建李詩惟有子規啼夜月阮詩賢者

處蒿萊一統志嘉陵江在保寧府城東南書浩浩

滔天宋子侯董嬌

嬌詩吾欲竟此曲

古詩廬江小吏一首序述各人語氣有焦仲卿語有仲卿妻語有仲卿母語有仲卿妻母語有仲卿妻兄語有縣令語有主簿語有府君語有作詩者自己語沓雜淋漓或繁或簡或因其繁而更繁之或因其簡而更簡之水複山重曲折入妙此古詩中創格也梅村此詩畧仿其意如君自爲尊章至莫買秦淮妾爾緒妻語也謂逼公車期蚤看長安月爾緒父語也愁中鄉信斷不敢望來書爾緒語也盡道是葭萌四句旁觀傳聞語也來時聞君婦貞心視江水客語也五內爲崩摧買舟急迎取又爾緒語自相逢惟一慟至骨肉都拋棄又爾緒妻語而四座且勿喧一段我有同年翁一段悠悠彼蒼天一段淒涼漢祖廟一段又

前後俱作自己語淋漓曲折幾欲與廬江一首相似
惟廬江詩明點出府吏謂新婦新婦謂府吏等名目
而此詩只於暗中換却語氣為不同耳至前用閬州
山水起後用閬州城江結將許多人語氣收入烟雲
縹緲之中如畫家山水人物有攢簇團結處而必於
上面側面空留餘地或以微烟淡墨拂之更覺通幅
生動杳然無盡別有天地非人間也尤展成謂梅村
畫亦成家吾讀此詩益信此詩以表揚爾緒妻之
貞孝為主前半篇分攜各努力妾當為君死二句是
眼目後半篇來時聞君婦貞心視江水二句是眼目
而統納於我有同年翁閬中舊鄉縣二句之中故以
閬州行名篇殺人滿川陸白骨滿崖谷等語故相
犯複此體亦廬江小吏詩有之詩中兩用長安字
相見隔長安指西安府蚤看長安月以比京師也
避亂詩已見東郭叟全家又別移此詩
尚道是閬州此地差安堵皆加一倍寫法

讀端清鄭世子傳

明史諸王世表端清世子載堦
恭嫡一子嘉靖二十五年封世

子萬歷三十三年讓爵載璽詔載堦及子翊錫
准以世子世孫祿終身其子孫仍封東垣王以
接見湏之統池北偶談鄭端清世子讓
國自稱道人造精舍懷慶郭外居之

昭代無遺憾萬事光史冊惜哉金川門神聖有慚德天

誘其子孫救之以讓國賢如鄭世子宗盟堪表率

首段以成

祖之爭觀出世子之讓

○褚希明詩聲華滿昭代杜詩

毫髮無遺憾

明史惠帝紀建文四年六月乙丑燕兵

犯金川門都城陷

書惟有慚德

左傳成十三年天

誘其衷

又僖八年能以國讓仁孰大焉

明史諸王

傳鄭靖王瞻堦仁宗第二子子簡王祁鏐嗣祁鏐有子

十人世子見滋次孟津王見濂次東垣王見湏見濂母

有寵於祁鏐規奪嫡不得竊世子金冊以去祁鏐索之

急因怨不復朝所為益不法祁鏐言之憲宗革為庶人

及康王薨無子見濂子祐禕應及以前罪廢乃立東垣

王子祐禕至是祐禕求復郡王爵怨厚煥不為奏乘帝

怒據厚煖四十罪以叛逆告詔駙馬中官卽訛還報反
無驗削爵錮之鳳陽隆慶元年復王爵世子載堉篤學
有至性痛父非罪見繫築土室宮門外席藁獨處者十
九年厚煖還邸始入宮萬歷十九年厚煖薨載堉曰鄭
宗之序盟津爲長前王見潏旣錫謚復爵矣爵宜歸盟
津後累疏懇辭禮臣言載堉雖深執讓節然嗣鄭王已
三世無中更理宜以載堉子翊錫嗣載堉執奏如初乃
以祔禋之孫載堉嗣左傳隱十一年周之宗盟後漢
書何武傳一當璧辭眞王累疏誠懇惻天子詔勿許流
方表率也

涕守所執敝屣視千乘謝之以長揖灑掃覃懷宮躬迓

新王入夷齊旣死後曠代仍間出

此寔敘讓國之事○左傳昭十三年楚共

王寵子五人祈請神擇於五人者使主社稷乃遍以璧
見于羣望曰當璧而拜者神所立也乃埋璧于太室之
庭使五人齋而長入拜史記淮陰侯傳大丈夫定諸侯
卽爲眞王耳後漢書樂恢傳聖人懇惻不虛言也

南史何點傳點累涕泣求執本志〔說文〕謝辭去也本

作謙長揖見哭志衍〔書〕覃懷底績〔一統志〕懷慶府禹

貢冀州覃懷之域〔漢書〕鄴善國傳漢遣使詔新王令

入朝〔雞肋編〕伯夷姓墨名允一名元字公信叔齊名

智字公達夷齊謚也〔徐孝穆啟〕自東

京晚世曠代無聞〔杜詩〕異才應間出築屋蘇門山深

心事經術明興二百年廟樂猶得失以之輯羣書十載

成卷帙候氣推黃鐘攷風定六律解谷當南山伐竹製

琴瑟〔集作〕為圖獻太常作之文世室遂使溱洧間一洗

萬古習此段序其讓國後考定樂律之事因讓國而後

築屋山四繞〔一統志〕蘇門山在衛輝府輝縣西北七里

顏延年詩深心托毫素〔漢書〕蕭望之傳望之大臣通

經術〔按〕二百年以洪武至萬歷言之舉成數也〔揮

塵錄〕置之館閣使修羣書廣其卷帙〔明史〕天文志萬歷

二十三年鄭世子載堦進聖壽萬年歷律歷融通二書
又樂志神宗時鄭世子載堦著律呂精義律學新說樂
舞全譜其若干卷具表進獻又藝文志朱載堦樂律全
書四十卷樂和聲大成樂舞圖說一卷五代史司天
考測圭箭以候氣漢書律歷志黃者中之色君之服也
鐘者種也陽氣施種於黃泉孳萌萬物為六氣元也
按攷風猶省風也左傳昭二十一年天子省風以作樂
書予欲聞六律五聲八音在治忽漢書律歷志伶倫
取嶰谷之竹斷兩節間而吹之以為黃鐘之宮又公
孫賀傳南山之竹不足受我辭馬季長長笛賦羌人伐
竹未及已詩爰伐琴瑟明史禮志凡祀事皆領于太
常寺而屬于禮部禮魯公之廟文世室也明史禮志
嘉靖十四年正月諭閣臣今議建文祖廟為世室則皇
考世廟字當避張孚敬言文世室宜稱太宗廟從之
一統志漆水在密縣東北流經新鄭縣西北又南流合
洧水水經洧水出河南密縣西南馬嶺山杜詩一洗
萬古凡
馬空

我行漳河南懷古思遺澤好學漢東平高風吳

泰伯道傍立豐碑讓爵存月日彼為一卷書能輕萬家

邑大雅欽遺風誠哉不可及

此段敘景慕之意好學高風二語似將著書讓國雙

贊然彼為一卷書能輕萬家邑仍跟讓國說下故知此

詩當以讓國為主○一統志漳水有二濁漳水自山西

平順縣經林縣北又東至涉縣東南清漳水自山西黎

城縣經涉縣南又東南與濁漳水合流入直隸成安縣

界

李詩懷古欽英風顏氏家訓死則遺其澤

後漢

書光武十王傳東平憲王蒼少好經書

舊唐書明皇

紀高風順時吳越春秋太子發立追封太伯于吳

碑見讀西臺記

漢書師丹傳復曾不能半讓爵位

豐

法言一卷之書不勝異說焉

杜詩小邑猶藏萬家室

漢書景十三王傳贊夫惟大雅卓爾不羣河間獻王

近之矣又賈誼傳遺

風餘俗尚猶未改

